

光緒重修安徽通志

重修安徽通志卷一百八十五

人物志

宦績

徽州府

胡宥字子仁休甯人隆慶辛未進士知長垣縣平獄訟省租庸
授南御史張居正柄國御史傅應禎以言事編戍特疏請釋巡
按廣西攝廣東鹽法佐軍興用兵八寨有功賜金幣御宴七次
會廢書院疏言程明道不當廢左遷貴州僉事江南通志徽州府志
葉時新字惟懷休甯人隆慶辛未進士授甯波推官禁溺女定
婚禮擢給事中出守河南括公例二萬餘以當逋賦罷官稅之
不當榷者七十條勒之石升四川副使卒河南祀之名宦江南通志
志

羅應鶴字德鳴歙縣人隆慶辛未進士知景陵黃岡二縣擢御史差巡茶馬宿弊一清再按粵東適有蠶戶之役應鶴言於督撫曰耦而俱者蠶與民也願多生俘之母誡納其言先後釋繫俘數千人督學三輔轉太僕卿歷升保定巡撫築東明長垣河隄以艱歸

江南通志

俞文達字行之婺源人隆慶辛未進士知四會縣界連海島山寇剽掠爲患文達巡視要害設守禦嚴保甲民獲安堵卒於官寮友捐資以斂民爲立祠

徽州府志

方揚字思善歙縣人隆慶辛未進士知陝州歷遷南戶部郎有怙權相勢者私據公田託言爲社田以給貧乏乞爲記不應遂以事誣之謫嘉興同知吏胥有父死欲火者給棺以葬遂嚴焚屍之禁歲疫捐俸施藥署嘉善清丈田斥餽遺擢守杭州尋乞

歸揚嘗赴鄰郡遇盜知爲揚羅拜而去

浙江通志
江南通志

游有常字心甫婺源舉人知井陘縣興學校置學田建社倉立社師邑有麻郎廟俗以元宵操戈相鬪爲戲傷不抵命有常毀其廟俗遂革又復古井築城隍設官渡民祠祀之擢南昌同知

徽州府志

吳天洪字元卿歙縣舉人知建陽縣下保民十二條邑大治補淳安地接歙壤一絕私交建長生樓濬聚祿池葺商輅墓創漏

澤園邑祀名宦

徽州府志

游悅開字懋信婺源舉人知儀封縣均徵收柳梢養馬三大役著爲令築決河勤荒政收暴骸會督河使與開府諸司會聚河北例率夫役數百往迎時天寒特異歲荒民饑且病道死者十餘人渡河北風更慘舟死又十餘人悅開潛然曰以此罷官可

也遂返舟南岸頗有甦者卒於官民祠祀之

徽州府志

吳成器休甯人浙江會稽典史倭寇三百餘劫會稽爲官軍所逐走登龜山成器遮擊盡殪之又破賊曹娥江擢布政司經歷旋擢紹興通判與賊大小數十戰皆捷身先士卒進止有方所部無秋毫犯士民卒於其戰處立祠祀之後改武秩

王鴻緒任
瓌傳 浙

江通志

新增

張聘夫字仕可婺源人隆慶中知連江縣政尙教化諭以理義使訟者自新陷大辟者求生不得曲爲矜恤尤加意學校刻讀書錄禮訓常對父老詢民瘼如家人然久之忘其爲令也至今談者猶淚下云

福建通志

詹洲字登之婺源舉人知高安縣高安故賊重洲請於巡撫奏減之歷知象州以老歸

徽州府志

施本德休甯人萬厯初由掾尉德安緝捕甚嚴奸宄屏迹聽訟
悉情以清節著丁內艱歸士民遮道送之

江南通志
新傳

江東之字長信歙縣人萬厯甲戌進士授行人擢御史首發馮
保徐爵奸劾僉都御史王宗載與于應昌共陷御史劉臺出視
畿輔屯政駙馬都尉侯拱宸從父奪民田奏之置於理累遷太
僕卿時張馮黨復構陷張岳沈思孝吳中行趙用賢鄒元標東
之上疏請先自罷坐爭壽官事貶霍州累遷大理少卿以右僉
都御史巡撫貴州擊高砦叛蠻斬首百餘級被劾免官行人時
刑部郎舒邦儒闔門病疫死遺孤一歲人莫過其門東之經紀
其喪提其孤歸乳之舒氏得有後

明史本傳
江南通志

胡天祿祁門人萬厯初德安主簿爲治精敏革催徵部運常例
均夫馬迎送勞逸善折疑獄丈軍民田修橋路營館舍以勞績

著

江南通志
新增

余啟元字伯正婺源人萬厯甲戌進士知臨城縣會令履畝啟元以無故擾民置不報改霸州學正累升戶部郎監豫章漕罷虛耗四十萬石又督易州糧儲以清操第一累擢光祿少卿終

大理寺卿

江南通志

汪應蛟字潛夫婺源人萬厯甲戌進士授南兵部主事累遷山西按察使治兵易州移天津升巡撫累上兵食事扼險列屯軍聲甚振見葛沽白塘諸田盡爲汙萊詢之咸言斥鹵不可耕應蛟乃募民墾田五千畝爲水田者十之四利大興移撫保定上疏請廣水利可得田數萬頃帝許而不能行召爲工部侍郎以養乞歸天啟時起南戶部尙書上愛養十八事帝保母客氏求墓地踰制持不予遂見忤乞骸骨歸陞辭引宋儒語以宦官宮

妾爲戒卒於家

明史本傳

張應揚字仲言休甯人萬曆癸未進士知蘭谿縣清田畝無虛

稅歲饑捐資倡賑置社倉勤課士擢御史出按雲南順甯代候

代候義未詳

二寇搆兵義叙匡定復按福建出冤繫十餘人卒於官

浙江通志江南通志

汪渙休甯人萬曆癸未進士知廣昌縣端正嚴凝一塵不染與

民休息境內久安升主事

山西通志

吳正大休甯人萬曆九年浙江仙居主簿剛介自持不媚權貴

攝縣事併課清丁法良意美大僚子姪殺人必得其人以置諸

法時稱天下清官第一

浙江通志新増

程朝京字元直休甯人萬曆癸未進士知鄱陽縣邑多逋賦立

周知實徵二冊賦遂如額陶丁蘭芳威爲亂降之請貸其死後

為名將升永平知府因灣水運糧至關家口省費數倍晉福建

副使 江南通志

潘士藻字去華婺源人萬曆癸未進士授溫州推官釋株累抑

文致時無冤民擢御史以發近侍姦觸東廠張鯨怒會火災修

省疏請修身親賢乃摘其語激帝謫廣東按察司照磨後擢南

吏部主事歷尚寶卿 明史李沂傳 浙江通志

邵庶字明仲休甯人萬曆癸未進士選庶吉士改兵科給事中

疏請清驛遞汰運總冗員革錦衣官愷裁戚畹越請升工科都

給事再補禮科疏請臨御躬祀行召對開儲講升太常少卿 江

通志

吳中明字知常歙縣人萬曆丙戌進士為瑞汀兩府推官升主

事歷吏部郎中疏列三楚礦奄陳奉暴橫狀督學河南晉汝甯

參政汝甯王縱僕殺人置之法王走訴於帝中明劾王擅離城
懇不得行備兵薊鎮邊牆臺堡屹然改觀升陝西布政巡撫廣

西晉南戶部侍郎卒贈尚書

江南通志

方元彥字士美歙縣人萬曆丙戌進士知金華縣擢御史按甘
肅陳備邊五議按福建釋冤發奸卻紅毛番市鎮安海堡城又
入言星變地震宜撤璫使以答天譴卒於官

江南通志

金繼震字長卿休甯人萬曆丙戌進士知濬縣歲凶卽開倉賑
恤改義烏倉公署火恐獄囚盡斃縱之歸約令自來後無負者
爲有隙者所中遷長沙推官啟藩王歸民田抑稅璫仆其旗遷
刑部郎中恤刑山東遼左釋冤繫重辟四百八十二人

江南通志

吳應明字以誠歙縣人萬曆丙戌進士知福安縣有治績累擢
都給事建言國本升太常少卿福安祀之名宦

江南舊志

胡漢歛縣人萬厯中知郴州修志建學置祭器新橋梁除常例

省縣役州稱大治

湖南通志

汪大壯祁門人萬厯中知甯鄉縣聽訟曲中情理擢判黃州不

能治裝吏出牘云積逋贖緩若干可潤行橐大壯悉蠲之

湖南通志

洪文衡字平仲歛縣人萬厯己丑進士授戶部主事帝將封皇

長子爲王抗疏爭之改禮部引病歸起補南工部郎中杜中貴

橫索節冗費進光祿少卿改太常時特起顧憲成憲成已辭疾

徐兆魁等猶憚其進用首疏力攻文衡乃上疏言兆魁貽禍賢

者流毒國家尋進大理少卿遷太常卿光宗崩議升耐文衡請

祧睿宗疏格不行卒贈工部右侍郎天性孝友居喪不御酒肉

不入內者三年

明史本傳

黃全初字性甫歛縣人萬厯己丑進士知崇德縣歲荒請蠲逋

賦當事不可乃移疾歸後起官歷升南戶部主事軍餼多冒支

悉釐其弊歲省萬四千緡晉郎中

江南通志

汪先岸字登字休甯人萬厯己丑進士知光山縣擢御史上疏請正國本首輔依違其議卽疏劾之巡視漕河建開加河議河

成歲省無算仕至太僕卿魏璫用事削籍歸

江南通志

程有守歙縣進士萬厯二十二年知惠州廉而有威歲旱步禱

賑饑平糶羨餘輒行諸縣積穀視事至日盱一蔬一粥復理簿

書創黉宮復科舉額畱心文治擢海南學使

廣東通志新增

汪以時字太易婺源人萬厯己丑進士知嵩縣歲饑倡賑斃大

猾以安民擢御史督理河東礦使張忠奏開採南池徵收鹽課

以時累疏抗阻遂爲所誣被逮以輔臣救得釋巡按山西廉治

稅棍按部出死囚八百餘人閱視三關建城堡於青龍驛邊境

以靖遷南太僕卿卒

江南通志

汪承爵字仲修歙縣進士萬曆二十三年知南康縣操守嚴重

葺學舍關旭山書院率諸生課藝其中

江南通志新増

游朋孚字伯順婺源人萬曆己丑進士知麻城縣歲大祲酌戶丁議改折杜飛詭汰常例裁冗費辨冤抑蘇保馬治行冠全楚

爲飛語所中罷歸

徽州府志

汪可進字惟正休甯人萬曆己丑進士知石首縣河決賑饑全

活萬計權使煽虐引法折之播賊叛先事爲備邑賴以安未幾

河復決可進已升南戶部主事爲留塞決河乃去

江南舊通志

葉伯鳴字雲羽休甯人任沂州同知塞礦穴疏鹽禁署策單父

平馬政出大辟三人邑以白蓮教株累者爲開釋百餘人改涿

州升趙王府審理正上籌邊九策

江南通志

李應裕字履順婺源舉人知羅源縣升平樂府同知地多徭人每爲居民所凌相格鬪應裕戒吏民毋爲虐徭亦感而斂輯又立社學使稍知字附爲俊秀浸浸向化嘗三稅賀橋一意寬恤商設生祠祀之羅源人亦祀之名宦

廣西通志

胡玠初名之瑗字元玉休甯人萬厯壬辰進士知建安縣新學宮置田養士預立義倉備荒早有兄弟訟者令互撻其臂因感而泣和好如初邑賦煩重令民自投櫃吏不容奸去之日民肖像祀之升主事擢知贛州祀建安名宦

福建通志
徽州府志

許立禮字季履歙縣人以蔭官中書舍人奉使朝鮮卻餽金升工部主事督易州炭廠補完宿逋十八萬累官雲南知府善政

甚多

徽州府志

方萬山字仰之歙縣人萬厯閒任雲南按察使時兵燹之餘凋

疲未起萬山秉公肅憲覈濫冒汰首功愼讞決釋累獄隴川弗靖旋就削平運籌助贊之力居多公餘寄情山水尤加意作人梓課藝改學宮人文蔚起

雲南通志
新增

汪國楠字仲木婺源人萬曆乙未進士知蘭谿縣徵輸有法課士有方修義倉行保甲升南兵部主事疏論花木不宜濫進內臣不宜擅差改禮部出守正定郡漳沱河決工費叵測無敢言築隄者國楠堅請用鐵鍋連鎖載石沈水法隄遂成歷升南瑞道副使改東甯卒於官

金華府志
徽州府志

江起鵬字羽健婺源人萬曆乙未進士知永甯縣創義學置社師申保甲盜賊遠屏習俗一變調姚江覈畝給券清弊釐奸礦使至毅然抗止民肖像龍山祀之晉南工部主事條陳十事掌錢法疏言利弊七事轉禮部升郎中卒於官

徽州府志

方時化字伯雨歙縣舉人知朝城縣白蓮爲亂偵知城中周王

二猾與賊通乃召而諭之貸其徇負二人願以死報遂計縛賊

首閻氏等斬之調鉅野招撫流散升敘州府同知

江南通志

邵兼休甯人任廉州府理刑萬曆三十五年署雷州府事廉正

不阿爲當道所推治獄能推見至隱撥煩理劇游刃有餘不踰

月民歌愷澤清查新城門外商稅申說定例刻碑遵守尤加意

士類訓迪師儒資之廩餼捐俸置田六十餘畝爲諸生供給之

費多士咸奮興鼓舞以爲攝篆所難與戴嘉猷並稱

廣東通志新增

鮑應鼇字山甫歙縣人萬曆乙未進士授戶部主事權崇文稅

以清操聞歷禮部郎中皇太子生母孝靖太后薨詔喪禮視世

廟沈貴妃應鼇以爲簡乃考穆宗生母孝恪太后爲康妃時故

事上之得允行應鼇端亮有學識議事守正不阿羣小忌之官

終太僕卿一統志

畢懋良字師皋歙縣人萬曆乙未進士知萬載縣擢南吏部主事督學浙江兩臺竿牘概不得入爲福建督糧道積穀數萬石後紅夷寇海上糧艘不通發其所蓄全活無算歷升布政使減加派撫降海寇擢戶部右侍郎總督倉場弟懋康忤魏黨削籍而懋良亦以不附被劾落職閒住兄弟相繼去國士論以爲榮

明史畢懋康傳
江南通志

朱珏休甯人萬曆中黃陂縣典史潔己執法專鋤豪右黃安耿尙書定向嘗歎美之

一統志湖
北名宦

洪世俊字用章歙縣人萬曆乙未進士授禮部主事時諸王婚期踰制福藩久不之國力爭十餘疏出爲福建參政歷右布政使紅夷入寇預保圭嶼儲火藥禦之寇不爲患轉山東右布政

平白蓮賊有功升太常卿卒贈兵部右侍郎

江南通志

汪元功字元倩歙縣人萬曆乙未進士知光化縣討平劇盜張

經歷知吉安順德二府備兵雲中力行節省完兩年貢布一十

六萬額素囊部落與釀家構殺馳往解之後爲湖西兵備兼攝

嶺北滅洞賊督河工卒祀名宦

江南通志徽州府志

洪都歙縣人萬曆乙未進士任福建歸化知縣政平訟簡自題

其署曰民風僻壤原鄒魯吏治青山但嘯歌後移知閩縣

福建通志

增新

吳宗堯字仁叔歙縣人萬曆乙未進士知益都縣中官陳增以

開礦至宗堯與抗禮驛丞金子登說增開孟邱山宗堯叱之遂

構於增日徵千人鑿山多捶死又誣民盜礦捕繫五百餘人宗

堯盡發其不法事增遂劾宗堯阻撓礦務被逮使者至民哭聲

震地下詔獄考訊經年始釋

明史本傳

謝存仁字生甫祁門人萬曆壬辰進士乙未殿試授戶部主事
權關監兌俱有清望督儲遼陽節省餉銀二十七萬升參政歷
雲南左右布政以平奢西功升巡撫簡兵核餉爲剿撫用請告

歸

江南通志

胡思仲字君直績溪人萬曆乙未進士知上虞縣築夏蓋白馬
上妃三湖又築梁湖包村港石閘屢升副使備兵懷隆建城堡
四十餘所修南北邊垣三百餘里通水利開曠土所在立祠祀
之晉保定巡撫練兵製器以資守禦開復何家圈屯田以廣積
儲設鐘樓以輯羣盜肅南賴以奠安

江南通志徽州府志

汪尙誼字宜言婺源人萬曆乙未進士除大理評事平汪浩等
百餘人獄犴狴一清歷知長沙府升河南副使剿緝土寇轉參

政以疾歸

徽州府志

程寔字伯輔歙縣人萬厯乙未進士知光澤縣立義倉義學教

養備至擢刑部主事督糧浙中漕運如期升湖廣按察使長寶

洞蠻爲亂親冒矢石剿擒之晉浙江布政使

一統志福建名宦徽州府志

汪一棟字國正婺源舉人知清河縣有奸猾思助稅璫馬堂爲

虐欲於清河起稅一棟密縛首事數人斃之杖下餘黨遂遞秋

霖時溢量地築隄水不爲災舊有疑獄廉得其冤亟白釋之以

入覲卒櫬至清河士民哭而弔者數千人建祠祀之

徽州府志

畢懋康字孟侯歙縣人萬厯戊戌進士授中書舍人擢御史視

鹽長蘆畿輔河渠多湮廢以懋康言修復之巡按陝西疏陳邊

政十事劾罷副總兵王學書等七人請建宗學如郡縣學制報

可歲旱設粥廠發倉廩全活饑民十二萬既而山東旱乃命巡

按山東至則蠲賑備至復條上十事視賑秦饑加詳所救凡數

百萬擢順天府丞以僉都御史巡撫鄖陽魏黨以其爲趙南星

所引削籍歸崇禎初起南通政歷戶部右侍郎旋引疾歸

明史本傳

游漢龍宇蟄初婺源人萬厯戊戌進士知章邱縣時貂璫四出

而陳增尤橫漢龍幹旋其閒因得撤去諸礦稅官歲以千金爲

額辦以官俸不復煩民召補部郎尋備兵三關適旱蝗相繼請

發粟四十萬石平糶歷浙江按察使遷福建布政使紅夷爲亂

以客將易土將寇遂就擒轉光祿卿閩人建祠特祀

徽州府志

洪翼聖字秀鄰歙縣人萬厯戊戌進士累官南陽知府贖鍰俱

積之屬邑以糶穀不入府藏惟文移申報而已擢陝西提學仕

終光祿寺卿

江南舊志

潘之祥字伯和婺源人萬厯戊戌進士知潛江縣築隄以障江

水之蓄置濟吏於法以正舞文之罪稅璫陳奉置榷關於潛江策口偽弁藉勢肆虐一廣文挈家之任誣以誘略收其資沈其人之祥立繫偽弁斃之杖下擢御史巡視長蘆鹽法其封事有簡賢能重事權禁影射止開引諸條遷江西參議以議捐湖關稅額不合引疾歸

徽州府志

俞喬字君望婺源舉人官鄭州知州歲饑民逃招聚流亡立勸懲勤考校教民鑿井做南方水車法置陂堰做南方開閉法自是上下地皆可田所有羨餘盡爲民開荒田疏水利起室宇買牛種並代充兌軍餉士民德之請於朝帶銜畱任以疾歸鄭人立生祠焉

徽州府志

方可權字惟中績溪舉人知星子縣革耗羨捐贖銀多置船以救溺又造哨船以代徭役卒於官士民哀慕祀名宦

徽州府志

程子鼐字坤輿歙縣人萬曆辛丑進士知蘭谿縣吏以解羨上

叱而禁之尤雅意作人士民肖像祀之官終江西按察使

江南通志

程汝繼字敬承婺源人萬曆辛丑進士知餘杭縣守道嫉邪不信妖異吏憎其威民愛其慈重建儒學日進士相與講明孝弟

廉謹之理

浙江通志

俞時育號對倉休甯舉人知定南縣犒賊爲橫招降五百人隸爲兵自是安堵改隆安兩邑皆祀之

徽州府志

劉兌歙縣人萬曆中知富平縣廣開渠道爲邑永利

一統志陝西名宦

戴應揚字君俞婺源舉人知陽穀縣革火耗及行頭換牒之稅

歲旱蝗徒步泣禱雨注蝗死聽獄片言立解置學田資貧者以

入計卒於邸士民聚哭建祠祀之

徽州府志

方道通字寓庸歙縣人萬曆甲辰進士知江夏縣有宗室子戕

民置之法勢要請謁一無所諾調浦城士民肖像祀之官終湖

北兵備副使

徽州府志

吳國仕字秀升歙縣人萬厯甲辰進士授刑部主事出知嘉興府築海塘建石梁於王江涇人稱吳公橋晉湖廣江防兵備江心浮玉磯水漲磯沒舟觸立碎因建高閣爲指南備兵辰沅苗酋龍滔叛殺官吏國仕築邊牆一百一十里建哨堡礮樓增戍兵龍滔就擒參政川東奢酋將樊龍踞渝城國仕以計擒之尋奉命搗蘭據蘭義未詳追斬二千有奇轉福建左布政降海寇八閩平歷戶部侍郎卒於官贈尙書

西臺摘疏江南通志徽州府志

汪有功字祖倩歙縣人萬厯甲辰進士知蒲圻縣擢御史疏十

數上如勸青宮講學劾巨璫亂閭等事俱切中時弊挺擊案興極言張差當窮治按下江捐銀金二萬爲諸路積穀官終尙寶

司丞

江南通志

汪輝號桂河休甯人萬曆甲辰進士選庶吉士授編修歷南吏部侍郎魏璫建生祠覲輝爲祠記以爲榮拒不許遂銜之矯旨削籍崇禎初復官

江南通志

程國祥字仲若上元人

府志欽人上元籍

萬曆甲辰進士知確山光山

二縣有清名歷文選主事發御史楊玉珂請屬魏璫逐趙南星

以國祥爲其屬并削籍崇禎初起考功郎中主外計時稱公愼

御史龔守忠詆國祥通賄帝知其清褊守忠官歷戶部尙書改

禮部兼東閣大學士乞休歸

明史本傳

余懋孳字舜仲婺源人萬曆甲辰進士知山陰縣擢給事中首疏請發畱中章奏舉枚卜釋繫囚徵遺佚罷稅使賑饑民黜西洋天主教章數十上帝俱不省最後四疏請皇太子皇長孫講

學語尤切至卒於官

江南通志

倪思輝字實符祁門人萬厯丁未進士歷吏科給事中侯震陽之論客氏思輝與臨川朱欽相繼之帝大恚並貶三人皇子生詔起復故官旋以忤魏璫削籍崇禎初復起終南京督儲明史侯震陽傳

舒榮都字曰俞黟縣人萬厯丁未進士授中書舍人擢御史上三字疏曰虛公嚴其要在於擇相又疏論邊情辨門戶言皆剴切出按湖廣貴州土司亂用其策剿平之魏璫亂政將與楊左等連疏劾之以輟歸不果憂憤而卒崇禎初追贈太常卿一統志江秉謙字兆豫歙縣人萬厯庚戌進士知鄞縣以廉能徵擢御史天啟元年首陳君臣虛己奉公之道規切甚至廢陽失守力訟熊廷弼保守危疆功廷弼旋起經略而本兵張鶴鳴抑之專

庇王化貞秉謙抗疏極論鶴鳴之罪內操事興與惠世揚等十
二人再疏力攻遂出於外後聞璫益亂政憂憤卒追削其籍崇

禎初復官

明史本傳

程策字獻可休甯人萬厯庚戌進士授西安推官轉南禮部主
事時拜魏璫祠者如鶩策獨不往出守德安有七府奸民同謀
不軌密捕渠魁餘不問督學廣西具藻鑑晉耶襄參政流寇深
入大敗之以勞卒於官

廣西通志
江南通志

曹澤婺源人萬厯閒判漳州司郡儲滌弊蠹絕苞苴三年清白
一節卒於官貧無以斂輿隸編氓咸賻助焉

福建通志

汪泗論字自魯休甯人萬厯庚戌進士知漳浦縣調福清有惠
政清屯田繕城堡擢御史首請杜內批以嚴履霜之漸又請召
還楊漣等以作士氣奄人王體乾魏忠賢等十二人命予錦衣

世襲抗疏爭之不納後忠賢卒至大橫出按江西敦重持大體
奸宄肅然歷太僕寺少卿嘗識黃道周於諸生中人服其精鑑

明史董
漢儒傳

殷光彥字元楷歙縣人萬歷三十五年福建泉州府通判值安
平新設鎮移駐焉時庶務草創光彥至未數月百務具舉鎮去
郡遠惡少博簊探丸擊劍恣睢罔忌奸人利鎮殷富耽視思逞
光彥首懲諸惡少而明保伍飭游徼嚴街鼓於是俗變民安夜
尤無警鎮城數圯外隍爲繕陣塞港以壯之

福建通志
新增

汪道崇字伯凝婺源舉人授平陽府通判過大名遇中貴衝道
而過中貴怒揭之巡撫巡撫曰彼不愛官督之何爲視衆稷山
有妻殺其夫者捏夫弟以抵道崇一訊卽服時稱神明

徽州志

汪文偉字仲簡婺源舉人知冀州興學校賑饑荒猾胥李某倚

其兄爲司禮監屬璫侵漁倉庫立致之法流寇過城民登陴禦之寇曰從此過耳不忍陷汝州汪佛子也升延安同知未赴歸

徽州府志

唐暉字文季歙縣人萬曆庚戌進士官開封武昌兩府推官府皆藩封宗民雜處累興大獄暉至郡皆稱平遷太常卿壬申流賊起擢湖廣巡撫臨武藍山土寇下攻長沙伏兵搗其巢平之豫寇窺郢中檄辰州兵伏應山傍夜搗其營斬獲甚眾賊魁有號十閭羅者斬其三而俘其二賊乃遜與鄖西賊合陷當陽遠安暉調鎮簞兵復之又剿平蘆花溝仙桃鎮諸賊爲忌者所中

免官

徽州府志

汪應奎歙縣舉人任福建上杭知縣平易鯁直有中之者民羣赴直指訟冤賢聲益著居八載升廣州通判囊橐蕭然

福建通志新

增

汪康謠字淡中休甯人萬曆癸丑進士歷戶部主事司庾臨清白蓮煽亂捐俸籌防賊知有備從他道去遷郎中出守漳州有泛海遭風者七十四人鎮將等証其爲寇康謠廉得實盡釋之漳故有洋餉上供外歲羨數萬金一無所染推漳南參議崔呈秀同門友也絕不與通呈秀銜之又以閩周起元籍沒事不辨遂矯旨削奪崇禎初擢福建兵備以元旦乘閩賊無備馳師襲之斬馘無算以疾歸

一統志福建名宦

趙時用字德友休甯人萬曆癸丑進士知南安調閩縣閩俗修怨者輒噉斷腸草死官爲沒怨家資時用必廉其主謀者置之法刁風漸息擢給事中疏言恩蔭不宜濫敘升太常少卿又抗言閹臣票擬讓權中官事多內批宜防其漸遂削籍崇禎初起

南鴻臚卿以老歸

江南通志

方有度字方叔歙縣人萬厯丙辰進士知長治縣縣主藏吏月更一人辦供億家立破有度首革其弊擇廉謹者司之擢給事中議紅丸移宮二案後爲閹黨所中削籍恠憤而卒

江南舊志

汪應元字長孺歙縣人萬厯丙辰進士授太常博士奉差歸魏璫用事遂不出崇禎初召爲御史出按廣西罷牛稅罷權本多所興革督學北畿告歸盡自焚其諫草

江南通志

汪元標字承景歙縣人萬厯丙辰進士知潭陽縣擢吏部主事魏璫熾拂衣歸後起福建兵備飭海防擒大盜蕭潮清等千餘人晉福甯參政歸

江南通志

汪秉元字初甫婺源人萬厯丙辰進士授大理評事轉南兵部嚴郵符以肅驛傳清汰禁衛虛冒出守南昌築潤澤圩灌田萬

頃拒上官建魏璫生祠之舉調九江流賊聲言來寇秉元晝夜

巡視以忠義激勸士民輸餉者恐後寇不敢犯以勞卒官徽州府志

舒崇功字謙夫黟縣人萬曆丙辰進士知衢州捐橋林之租罷

採木之議升福建兵備衛人祀之徽州府志

畢成康休甯舉人知瑞安縣懸示於門曰有一日閒且歸耕爾

地無十分屈莫輕入此門農商樂業豪猾屏息兵餉促迫不待

催科而自足歲旱祈禱大雨隨降卒賴有年溫州府志

黃願素字若鏡歙縣人萬曆己未進士授撫州推官擢吏部主

事魏璫濫爵疏汰假官百八十員又禁飛布山燒鑿以護郡鄉

龍脈鄉人德之江南通志

仇夢台字泰符歙縣人萬曆己未進士知平鄉縣調長垣白蓮

賊偪城增陴浚隍繕兵布謀賊遞去擢戶部主事權淮稅卒於

官徽州府志

胡自舜字九疑祁門人以貢官池州教授視篆上虞邑有運河與曹娥江鄰歲久隄壞江水害稼自舜開塘建閘水患頓息民

祠祀之

徽州府志

汪文言歙縣人初爲縣吏負俠氣入京輸資爲監生察東宮伴讀王安賢傾心結納光熹之際外廷倚劉一燝而安居中以次行諸善政文言交關力居多魏璫旣殺王安褫其監生逮下獄得末減益游公卿閒與馬填溫戶外葉向高舉爲內閣中書魏大中韓爌趙南星楊漣左光斗皆與往來會羣小與大中光斗有隙遂借文言發難屬傅樾劾大中光斗與文言交通立下文言詔獄以眾正疏言廷杖褫職牽及者得免後魏璫與羣小憾眾正甚再興前獄盡入諸君子名逮文言下獄許顯純鞠之使

引漣等文言仰天大呼曰世豈有貪賊楊大洪哉至死不承顯
純乃自作文言供狀文言復大呼曰汝莫妄書異時吾當與面
質顯純遂即日斃之

明史魏大中傳
參用楊漣傳

吳懷賢字齊人休甯人天啟四年與纂修實錄授內閣中書舍
人同官傅應昇者魏忠賢甥也懷賢遇之無加禮楊漣劾忠賢
疏出懷賢書其上曰當如任守忠卽時安置又與工部主事吳
昌期書有事極必反反正不遠語璫怒坐以結納汪文言爲左
光斗魏大中私人下獄拷掠死崇禎初贈工部主事

明史
吳昌期傳

許啟敏字元建歙縣人以舉人任登州府推官有負官物抵法
繫獄至數百人啟敏多所平反白院道出之其不可者令煎鹽
貸死晉兵部主事

江南
通志

黃正賓字賓王休甯人以貲爲中書舍人思樹奇節萬曆十九

年羣臣請冊立東宮而改期屢緩申時行又具揭迎上意正賓抗疏劾之下獄拷訊斥爲民遂見推清議天啟初起故官遷尙寶少卿以汪文言獄有連坐贓千金遣戍大同崇禎初復官魏黨徐大化楊維垣罷官潛居輦下交通宦寺正賓疏發其奸勒

歸田里都人快之

明史羅大紘傳

曹士鶴字元翀歙縣舉人歷官戶部主事後擢河南裕州知州濬城濠募勇敢勤操練清積弊土寇魯和尙煽亂擒斬其渠帥餘黨皆遜家居講學彙聚遺經講義百餘種以壽終

歙縣志

汪秉忠字行甫婺源人天啟壬戌進士授甯波推官甯波翠巖遇陰雨有鬼爲行人害秉忠疑之責丁壯勒限擒獲果獲十餘人歷升戶部主事卒於官甯波祀之名宦

徽州府志

吳彥芳字廷祖歙縣人天啟乙丑進士知莆田縣擢御史大凌

被圍疏論孫承宗又駁逆案呂純如辨冤之謬登州用兵請撤
監島中官以助吳執御舉劉宗周黃道周劾通政使章光岳等
擢上怒復爲執政所構下獄尋釋歸

明史吳
執御傳

汪繼英字志在休甯人崇禎閒以貢官鬱林州同知署州篆勵
清操革火耗民便之州有水口形家言宜建高閣以砥下流築
長隄以迴龍脈繼英捐俸倡之潯貲剗馬賊來寇躬自守禦城

賴以全

廣西
通志

汪德元歙縣人崇禎時以貢知蒼梧縣省刑法絕苞苴楚藩避
寇入梧禮敬調護而衛兵則挺身捍禦禁其暴虐賀縣土寇起
佐郡將防禦餽運無缺民賴以安以忤當道罷官

廣西
通志

程道新號涌初歙縣人以蔭官荊州府同知駐施州衛忠崗安
撫覃寅化與衛民牟海蛟爭地相仇殺頻年不解道新至爲分

理曲直遂輸服弭兵大豪牟文仲等寇掠為害以計縛之民得

以安

徽州府志

胡階慶字象泰績溪舉人知餘杭縣飛蝗食稼以米易之蝗捕

盡而稼不傷又率鄉勇擒盜首赦其脇從卒於官

徽州府志

余自怡字士可婺源人崇禎戊辰進士知湘陰縣著慎刑錄薄

責必記用重刑則加圈以識之廷議加楚餉湘陰增至四千自

怡持計畝之說得減十五臨藍寇橫行長岳親率鄉勇堵禦寇

解擢戶部主事出守廣州當入覲士民遮道乞畱

一統志湖南名宦

程子鐸號槐塘歙縣人崇禎戊辰進士知沙縣更輸粟例易戶

解為官解官民兩利調長垣募兵八百不動公帑升戶部主事

卒兩縣皆祀之

徽州府志

王文企字子及歙縣人崇禎戊辰進士授吏科給事中淮陽山

東餓以賦重民愁直言極奏疏三上觸帝怒謫國子典籍歸徽州

府志

方士亮歙縣人崇禎辛未進士歷嘉興福州推官擢兵科給事中疏劾謝陞誹謗君父洩禁中語又連劾諸督撫張福臻徐世蔭及總兵馬爌等而請召舊諫臣姚思孝等且恆已死者吳執御等帝頗采納周延儒出督師請士亮贊畫延儒獲譴士亮亦下獄久之釋歸明史熊開元傳

韓如愈字弗如黟縣人崇禎辛未進士知安化縣以廉能名士官安某誘武弁殷朝陽至家剔其目徧賄求免獨如愈弗納抵之法擢兵科給事中都給事曾應遴如愈同年友也爲人傾險如愈欲劾之或言散員不當劾都諫如愈正色曰是黨同寮而欺明主也卒劾罷之又劾大將賀人龍臨陣逃亡立斬以肅軍

政明年劾罷江西巡撫張鳳翮晉兵科右給事中管十二團營稽覈隱冒無所縱先是巡捕營兵半為豪門奴隸及巨奸積猾冒名漁餉遇巡閱則雇市人乞兒充數或以緝盜為名羅織平民蝕其資產民無控所如愈力陳其狀弊少止山東總兵劉澤清為言官所糾遣人持賄刺取兵科如愈發之澤清懼遣書幣求解如愈詈而麾之十七年奉命督餉道出山東民有訴澤清肆掠者如愈復露章以聞澤清陰使人刺之或知其謀密告如愈且勸其微服行如愈不從曰吾奉天子命微服失人臣禮因

遇害殺寇紀略 江南舊通志 徽州府志

夏雨金休甯人崇禎甲戌進士授紹興推官歷知泉州府南安

斗賊府志作楊佬賊倡亂諭之即解升副使江南舊通志

羅玠字然明歙縣人崇禎甲戌進士知嘉興縣絕意苞苴時有

一杯清水藏羅玦之謠

徽州府志

曹志甯字以道績溪舉人知鎮平縣流寇薄城極力堵禦城賴

以全升武定府推官

徽州府志

汪廷鉉字宜卿祁門人以貢官穎上教諭流寇薄城率諸生擐
弁出方略備禦之轉湖州教授稟安定條規以經義教士又置

田以祀安定

徽州府志

姚宗衡字幼輿歙縣舉人署平原教諭流寇至與令丞固守著

有勞績庚辰成進士授檢討

徽州府志

王之道歙縣人崇禎中官武岡州判土寇袁有志倡亂州境殘

破之道與知州譚文祐督鄉團恢復斬賊有功

湖南通志

胡鳴岡績溪人崇禎十四年知枝江縣李自成陷荊州府遣使

說之降鳴岡焚其書囚僞使於獄後出城巡徼船卒謀叛奪其

印獻賊鳴岡卒不屈賊改容謝之去

一統志
北名宦

仇秉忠歙縣人崇禎閒以貢知永甯州學政俱優招撫流移勤

課士于升杭州同知民立去思碑

山西
通志

重修安徽通志卷一百八十六

人物志

宦績九

徽州府

國朝張光祜歙縣人順治丁亥進士知鄧州鄧當兵亂之餘招徠
勸墾漸復其故會湖南用兵督理戰艦區畫有方有盜壘於下
莊光祜單車諭之皆感泣就撫擢禮部員外以河決不忍去治
之七晝夜勞瘁卒鄧人祀之

一統志

李蔚婺源人溧水籍順治丁亥進士初任行人旋升工部主事
督權浙江始至進商之練達者於庭詳咨利弊黠胥狡獪不得
售奸時軍旅未息商民畏懼不前蔚加意招徠盡捐耗羨請於
提督游兵悍卒奉法惟謹舟車蜩集商旅永懷去官日攀轅載

道

發源縣志

朱廷瑞字增城歙縣人順治丁亥進士知福清縣值兵燹之後招撫流亡營繕城堡勸課農桑與民休息又修學興文旌節孝禮高賢案無畱牘囊無餘資以治行擢禮部去

福建通志

吳正治字當世休甯人漢陽籍順治己丑進士由侍講出補江西參政升陝西按察使所至以清廉執法著內擢工部侍郎轉刑部諸所條議如赦令宜急行文量宜停止禁狀外指攀嚴婦女私嫁免逃人十家連坐及收旗丁月錢得永著爲令晉禮部尚書拜武英殿大學士守成法持大體以疾乞休加太子太傅致仕

一統志

史士傑字公升黟縣人順治丁亥進士知江山縣時閩地未平戎馬絡繹區畫有方民以不擾又界連玉山值金王叛亂兵倭

城下率眾守禦格戰有功改蒙陰縣安撫凋殘解任之日士民

遮泣

縣志

汪震元歙縣人順治初知桂東縣時新被苗寇居民無百家震

元捐資葺茅屋招徠逃戶貧不能耕者給牛種攜酒肉履畝餉

勞之由是流移漸息荒畝盡墾民得蘇

一統志湖南名宦

汪宗洙字魯源婺源人順治初以歲貢知內邱縣縣境諸山爲

盜藪民多流亡宗洙多方捍禦撫輯民漸來歸府推官閱囚至

見繫獄僅二人歎其不煩有古循吏風卒於官貧無以爲斂縣

民皆感悼

一統志

朱昉休甯人明季歲貢生官汾州府推官乞養歸

國朝馬文毅雄鎮撫廣西延入幕康熙十三年二月孫延齡叛通

吳逆圖撫署雄鎮義不屈遣長子世濟齎疏告急至六月賊勢

益熾再陳密疏屬其長孫國楨於昉時國楨甫九齡昉與之穴垣而出抵都陳奏

上諭忠誠可嘉授富陽知縣改補甯陽決冤獄除惡僧鉅豪扶弱士民

德之

休甯縣志

張士楚績溪人前明崇禎庚辰進士知秀水縣兼署嘉興減火耗清隱佔均徭役剔積弊嘗因天旱致禱甘霖隨降飛蝗墮水二邑勒碑頌德入

國朝升兵部職方司主事能舉其職

績溪縣志

余起光黟縣人以舉人知泰順縣中蠲逋賦時海氛竊發光堅壁防禦晝夜堵守孤城獨完

江南舊志

陳蕃祁門人太學生順治壬辰辟署海南之樂會臨高二邑有

治聲

江南舊志

戴應昌字士全休甯人順治壬辰進士知龍門縣明季縣邑殘破力圖撫循會有徭役徵船應昌曰龍門山國安所得舟捐俸爲僦價詳請獲允又請免徭派擔夫在任三載牧蕃畝闢俗和行興去之日士民號泣遮留至今感德

休甯縣志

胡文學歙縣人順治壬辰進士授真定推官多所平反擢御史

陳大弊六條以重根本視兩淮鹽政輯鹽政通考撰淮鹽本論

內升京堂給假營葬後以四品服俸管河南道御史事

徽州府志

吳雯清字方漣休甯人順治壬辰進士授潯州府推官峒寇偪

城固守有功郡有數大獄久不決立爲剖斷擢御史上疏禁邪

教造督捕獄舍又請慎重民牧有齟齬者遂鐫秩歸後卒用其

議

一統志
徽州府志

洪琮字瑞玉歙縣人順治壬辰進士授韶州府推官時當用武

重修安徽通志卷二百八十六人物志官績

三
徽州府

苦供億琮條陳十餘事多所裨益妖民郭天鵬不軌乘其不備擒之曲江徭不法觀察使將用兵琮不可行部勘實論七人於

法全活數千人晉刑部主事歷官陝西提學

江南通志徽州府志

汪以瀉休甯進士知定安縣以卓異擢吏部主事尋差權北新

關克己勤務國計賴之

江南舊志

周士選字萬中績溪人順治開以貢知陸川縣時寇盜嘯聚士選單騎入賊壘開誠撫諭俱降復墾田土招流亡捐修學宮教

養兼濟以解犯遲延降調士民惜之

一統志

余維樞字中台婺源副榜知永年縣葺學宮立義塾築河隄式布衣張蓋之閭訪以政事後補臨縣修城興學招集流亡異政冠三晉升督捕主事卒維樞學有本原著有從祀諸儒繫議泮

宮禮樂合集令洛錄及文集

江南通志

胡公著字希呂績溪人順治戊戌進士知靈壽縣除耗羨減刑
罰有武舉爲盜魁者前令不敢詰公著廉知之延與之飲密諭
捕役擒之明日羣盜來劫被害一統志

吳聖楫字右舟歙縣人以選貢知文縣壤接西域番民雜處楫
力懲奸民冒充旗丁蜀軍竊販馬匹之弊江南通志

許書字元文歙縣人順治乙未進士知涑水縣滿漢雜處最稱
難治書調劑有方旗民愛戴後以禮部郎出知南康府匡廬素
多虎災彭蠡又爲盜藪爲文告神虎盜俱息以母老告歸江南通志

歙縣志

洪明鍾字萬貞歙縣人以舉人知海澄縣海澄帥縱卒索餉而
譁明鍾曰餉非緩也吾將按籍而給焉如虛卒倒馬則奈何帥
乃戢在任三年寇盜不敢犯以勞卒官邑人如喪父母福建通志

王澄欵縣舉人爲饒州推官瀕湖盜賊竊發澄於各隘口請設防兵水陸路皆安靜除衙蠹清屯田治獄多所平反薦治行第

一縣志

汪斯瀉婺源人順治初隨佟督師討湖南敘功授寶慶知府撫瘡痍招流亡民獲安集調建昌重士愛民通商惠賈民甚德之

江尚舊通志

俞居辰婺源舉人知新昌縣甫下車里胥進填宅金不受值歲凶卽以其金買米數千斛爲賑饑倡劇盜嘯聚召縣尉以計擒之

婺源縣志

汪承瑞徽州人順治時廣州知府革弊釐奸政平訟理卒於任

粵人哀思之

一統志廣東名宦

汪濤祁門人順治初以貢士官臨清知州時駐防滿兵圍地越

及鄰邑控部責臨清償相持七載溝曰普天之下誰非王土力
爭得免亂後籍廢賦不準田履畝清勘貧弱戴德以憂歸民臥
轍至不得行起補許州州爲征剿孔道設法供應市肆不驚中
州蝗發爲文祭之蝗不爲害又以艱辛民立祠祀之

祁門縣志

趙吉士字天羽休甯人順治初舉人知交城縣自明季劇盜嘯
聚深山吏不敢詰吉士因勸農閱荒率數騎入山宿土窖訪其
山川險易居民順逆悉得其情一日與同官飲卻月湖張樂賊
聞不爲備衣半忽斂兵疾行由閒道擣賊巢擒百一人撫定山
民一千四百餘戶其不從賊者以羊酒旌之敘功升戶部主事
權揚關修會典及鹽漕書成擢戶科給事中著有交山平寇錄

萬青閣自訂集

一統志

程文彝字銘仲休甯人康熙甲辰進士選庶常改刑部主事決

識多平反擢御史多所建白如定

地壇享尙右核工部物料領銀禁軍需私派開渠濫稅清驛馬貽累禁
佐貳武弁嚴刑甄別督撫設倉備荒革除里役廣旌節孝吉多
裨益升大理少卿歷工部右侍郎卒

賜祭葬如例

江南通志

吳元襄字贊皇休甯貢生知永康縣時海氛未靖荒亂頻仍元
襄征調有方民以不困東陽義烏山賊屢寇境內殫力守禦事
平區處脅從多所全活先是里總爲奸包藏飛灑悉爲釐剔又
盡革會計陋規至修學宮禁溺女販饑捕盜善政不一去之日
士民童叟送者載道

浙江通志

曹有光字暉吉績溪人康熙甲辰進士知壺關縣性澹泊食不
兼味用苞苴竿牘進者直斥之以嚴濟寬盜賊屏跡卒官無以

爲敏老稚胥爲流涕

一統志山西名室

汪錞字鍾如休甯人江夏籍康熙庚戌進士累官驗封司郎中每大廷集議序資紛紜而錞口授指揮羣吏咸服調掌選以艱歸服闋借補稽勲凡十年服政備歷四司後起者多取則焉江甯縣志

通志 休甯縣志

趙端字又呂休甯貢生授長洲丞歲饑設糜捐賑全活甚眾升

介休令卻編審陋例萬金賦役以均補撫甯建書院講學升太

原同知移駐平定置紡車買木棉覓能者教之至今成風

徽州府志

王鉉字澹石歙縣人康熙甲辰進士知徐溝縣時秦晉之閒羽

檄交馳咄嗟立辦民不知兵至禁鋪墊恤郵驛裁耗羨建義學

諸政一皆原本經術

歙縣志

汪濯歙縣人由中書歷部郎知嚴州府府市廛秤斗重入輕出

濯設厲禁均平出入至今稱汪公秤斗後爲西安守商州山盜猝發議者將悉置殊死濯以愚民誘脅力爭止殲其魁三十餘人遂與督撫均干吏議去官

歙縣志

洪玕字琅友歙縣人康熙丁未進士以中書舍人從親藩督師江西升刑部主事卽死獄已具必婉曲平反改吏部文選司卒於官

歙縣志

項蕙歙縣舉人知廣甯縣升廣順知州蒔蔬自給巡撫嘗語僚屬曰汝輩知有種菜太守耶凡有疑獄檄令赴讞判斷如神母歿以毀卒

歙縣志

許承宣字力臣歙縣人康熙甲辰進士選庶常歷官給事中辛酉典試陝西察民疾苦上六疏如查荒丁蠲逋賦定潼關稅額覆鹽丁民丁之實復驛民之舊語中利害直聲大著

徽州府志

汪晉徵字符尹休甯人康熙己未進士選庶常歷官給事中條奏修先賢祠宇增張子世襲停藩臬卓異寬兩廣憑限得准行丁卯主試湖廣遷順天府丞累官戶部侍郎居家講學著有宋元明正學錄雙溪草堂集

江南通志

黃鐘休甯人康熙甲寅從征効力選南安同知攝贛州守贛州爲楚粵孔道時採柑木又禁旅調粵舟車牽挽十六屬解夫負苦鐘議餽費附近募人諸屬晏然擢知梧州府攝鹽驛道先是管權者過嚴鐘除煩苛省畱滯商旅絡繹課額歲增調太平惠

政益著

休甯縣志

余文淑婺源貢生授夏縣丞尋署縣事潔己愛人民化其德會有飛輓之役剋日赴邊夏邑解額踰數萬民情洵洵官吏束手文淑以身任其事民乃轉相告曰不可以累吾良吏遂趨赴督

撫奇而薦之以年老力請致仕士民勒石頌德

婺源縣志

七

洪懋樞績溪拔貢知清遠縣熟籌利弊條陳十事如均里糧以

蘇偏累除供應以剔陋規禁營頭之債革加夫之弊督撫皆依

條刊行旋奉檄監剿老虎十洞深歷險阻撫剿並施擒逆魁馮

天保等數十人脅從胥宥之列功首敘以親老歸

績溪縣志

朱光裕休甯人知鄞縣時提督材官爲盜有司不敢捕光裕夜

半聞劫親率人役獲盜百餘人置於法邑有被誣陷大辟者察

其冤力出之天童山虛糧累民爲詳大吏具疏蠲免

休甯縣志

朱士剛休甯人以貢生教習授辰州府通判署在沅州學宮無

崇聖祠輸貲倡建並遷學宮於高阜在都時曾別構休邑會館

復義冢

休甯縣志

王仕雲歙縣人爲衡州推官府有流民逋賦皆坐現戶輸官連

引逮繫仕雲皆釋之蠹吏作奸者杖而械諸市懸鉗於門訴冤者擊之懲勢家宦僕之尤橫者以裁缺去職闔郡謳思

一統志湖南

通志

洪景行歙縣歲貢歷知平陽縣首懲豪猾隱蔽田畝之弊差徭照田均派築肥陂鵝頸二埭蓄淡水以障鹹潮建義學定冠婚喪祭儀節禁師巫邪說賃妻火葬諸惡俗有虎害民禱於神虎自相齧死解組歸士民泣送至今俎豆不絕

歙縣志

胡德邁歙縣舉人官中書舍人擢御史疏糾兩江總督范承勳違例題畱江南知府施世綸在任守制有乖孝治又屢疏請寬風聞之禁廣欽恤之仁核計典之實祛斂索之習所言動關國

體歙縣志

程夢瑛休甯人歷官刑部員外發往江南效力疊奉委勘估蘇

松河道監修太倉州劉河督浚丹陽九曲河太倉州七浦河擢
郎中仍監督揚州水利開浚江儀泰如興鹽六州縣海運諸河
工竣奉

命管理江南水利事務開浚淮安太河界溝揚州城河吳淞福山劉河

三大開次第工成又總理蘇松常鎮大通六屬港渠轉松太道

致仕 休甯縣志

程世績休甯貢生知馬龍州調補黑鹽井提舉時鹽務廢弛泥

攬引積世績反覆千言為電請命大吏允行萬竈生祀之尋授

長蘆鹽運同知潔已率屬興利除弊三攝運司篆升南安府致

仕 休甯縣志

朱偉字人瞻休甯人宛平籍貢生知高陵縣修學宮興水利革

陋規民德之建祠以祀升嵩明州知州 休甯縣志

汪先登黟縣歲貢知祿豐縣邑當九府要津苗民雜處勸諭開墾加意學校徵輸有法剔弊愛民升知鄧州以勞卒官上官貲助歸櫬百姓哀泣路奠立祠祀之

黟縣志

黃元治字體仁黟縣副貢四庫館議敘通判初任平遠府改判大理府入爲宗人府經歷歷刑部郎中出知澂江府事開濬水道雪理冤獄修城池興學校在滇三載囊橐蕭然人稱青菜太守卒祀澂江名宦及黟縣鄉賢祠

一統志

查廷藻休甯人康熙二十七年知大埔縣時埔尙仍明季舊規合一歲甲役徭役祿役勻攤里圖按丁糧多寡計日值辦名曰日生派無定額蠹胥因緣爲奸催科敲撲民不堪命逃亡過半廷藻爲詳請裁革積弊頓除民以更生相慶

廣東通志
新增

吳鶚字羽騫黟縣人康熙乙丑進士知歷城縣省餼役弭賊盜

使積賊自完逃囚自返悍卒自戢解組歸士民攀轅臥轍祖送

百餘里

縣志

汪澹字苻洲休甯人康熙甲戌進士由翰林歷官內閣學士出撫粵西移撫江西入爲戶工兩部侍郎終大理卿一典鄉試再任學政撫粵時蒼梧芋英嶺饑民潛聚竊挖礦砂貽害地方澹添設游兵於梧州防禦羣盜自戢在江西奏請停運倉穀入閩閩省無乏食憂安西建城遠在嘉峪關外澹奉

命往審度形勢爲新城方六里復修築沙州城建立五堡創十三墩臺以嚴斥堠後又修治高堰河工浙江海塘及淮陽水患鳳潁水利又嘗奉

命纂修

一統志康熙字典治河方略等書以老乞休卒年七十四

休甯縣志

趙景從休甯人吉士子也內選貢歷部曹出爲濟甯僉事道遷

衡永柳參議道在兵部時逃人法十家連坐無辜繫累景從輒出其疑者分巡濟東時運草束赴德州養官馬吏見民船輒禁止景從令船自實其載以餘力分帶草束更分給於糧艘不攬一民而公事立辦後遂爲例

休甯縣志

朱光圉字西仲休甯人由主事升刑部郎中讞獄平允出知贛州府潔己率屬歲饑賑濟全活甚眾瑞金縣水災按行周卹且爲蠲稅蘇累長甯令更變鹽法民幾至變光圉單騎往民曰此慈父母也卽散去未幾以屬吏虧帑金罷民爲分償立祠廉水之上

休甯縣志

蕭彩字雲陽歙縣人以武進士歷官直隸張家口游擊建甯邑宰以催科激變彩諭以禍福父老乞彩代收上官委之逋賦悉清署浦城遊擊縛渠賊羅某杖殺之又以檄散饑民嘯聚之黨

諸生高雲一家爲賊所殺凶器乃一屠刀吏逮鄰居誣陷成獄
彩訪得真賊抵法冤者得釋

歙縣志

吳之錄歙縣人英山教諭嚴立課程行己簡肅一循白鹿洞規

毅然以聖道爲己任

英山縣志
安州流寓

舊志六
新移

唐鴻舉歙縣人康熙戊辰進士知鎮海縣俗多爭鬪強娶鴻舉
至立法禁之聽訟立爲判決獄無停滯人無株連他邑陳訴往
往乞下鎮海理問農時則裹糧親歷田間簡稽勤惰款曲如家
人行取補戶部主事擢兵科給事中子廷賡亦成進士知珙縣
其治民有父風嘗抑強暴全寡婦袁氏之節

歙縣志

許廷佐字廉伊歙縣人由武進士歷官河南河北鎮標中營遊
擊鉛山民查氏無故忽奉按察司提問縣令將發解廷佐以查
氏良民不合驟攬重譴詰來吏見其言語支吾因轉牒縣令毋

遂發而密以上請果得其奸查氏得無累

歙縣志

汪遴卿字邦臣歙縣貢生歷官重慶府通判康熙己卯署夔州知府履畝清丈核其荒熟酌定奏銷招徠墾種遷廣西泗成軍民府同知地連交趾徭蠻雜處建學訓士課藝值黔省上江土司爭地弄兵奉委馳諭兩各輸服解散軍民安堵

歙縣志

吳肇新婺源貢生歷兵部主事督理贛州鈔關贛為川貴門戶肇新稽察嚴明徵稅有法入為刑部郎出守彰德府修葺學宮振興文教嚴保甲謹斥堠盜賊斂迹以艱歸士民為塑象費宮祀之

婺源縣志

汪時婺源貢生官瓊山縣丞歲饑力請發賑全活無算攝澄邁篆首革徭差二千餘金履畝丈量豪強懾服修葺費宮士林感

戴

婺源縣志

汪逢年婺源拔貢由教習知鉅野縣邑多積逋賦盜滋熾逢年設方略緝剿捐俸償逋有豪右爲害廉其惡置之法邑稱神君

婺源縣志

余光魯婺源拔貢知石城縣耿逆方熾縱麾下剝斂威奪民婦光魯繩之以法總督范承勳稱爲治平第一後補富順令當獻賊荼毒之餘招集流亡懷保惠鮮興學課士民氣以蘇

婺源縣志

吳文所婺源貢生由教習分發河南知原武縣地曠大河白白馬營決口城垣學宮盡圯田變斥鹵丁糧如故文所次第興築捐俸置牛種課耕植其田不可復者詳請豁免復倡義田置普濟育嬰二堂升知新興州以老乞歸

婺源縣志

吳苑字楞香歙縣人康熙壬戌進士選庶常授檢討歷中允侍講遷祭酒奏請諸教習官學者補縣令勿補州倅以通沈滯塞

倖門又嚴試補教習之法又令八旗子弟在官學者一體考校

鄉會試量增其額以示鼓勵省親告歸著有北黟集

江南通志

張瑗字松巖祁門人康熙辛未會元授翰林編修主試四川改

御史明閭魏忠賢墓在西山侈甚上疏請毀之報可朝野以爲

快提督河南學政瑗賦性淡泊素履端詳居官以廉謹稱

江南通志

方觀欽縣人江都籍康熙己丑進士由翰林累遷戶科給事中

雍正六年擢浙江按察使嘗謂盜之不弭吏爲之市也嚴地方

抑勒諱匿之禁絕捕役豢養剋贖之弊設窩藏科別懲創之條

盜遂衰止遷西安布政使扶病就道至六合卒於途

贈太常寺卿給治喪銀五百兩

浙江通志

吳肇榮婺源貢生考授東昌府同知三攝府篆治績有聲

聖祖仁皇帝東巡籌辦盡職升任常德地值凋瘵拊循振刷百廢具舉

後知安陸郡當下流恃庇長隄榮親臨葺築終任無水患

發源縣志

趙繼忭字鶴皋休甯人康熙己丑進士以主事改伏羌知縣時

西路出軍邑當孔道往來供億絡繹繁繼忭禁苛派纖悉不

以累民歲饑不待請而發廩以賑計口造冊親引赴倉領粟胥

役無侵歎聲溢道上官廉得其狀深獎異之擢署蘭州

休甯縣志

汪櫛字亭立休甯人康熙壬辰進士知同官縣時委辦軍需例

以十月開徵臘月起運逾限則罪且不測吏以嚴比告櫛不聽

集里老於庭而告之以軍限曰吾不惜一官而重咎吾民顧吾

去而來者必鑒吾失柰何里老羅泣甫月而糧具歷官至戶

科給事中乾隆元年疏請江南鄉試增解額以示鼓舞得如所

請增二十名載入科場條例

休甯縣志

江永玠歙縣人以郎中擢兩浙驛鹽道在戶部時秦中大饑奉

旨發粟往賑路出中州需車腳四萬餘金議者欲派之民間玠不可遂

止台州舊有朱子金清港閘圯久未修捐金力籌興復又濬築

臨海社瀆場之三溝六壩郡東之河渠皆有關水利

歙縣志

畢萬鍾歛縣人由大同經歷升知宜陽縣在大同值旱荒力請賑濟口外亦饑從知府出關竭力撫恤復奉檄安集雁門等處

流民全活甚眾宜陽故瘠土明末寇燹凋傷更甚撫循軫恤知無不爲洛水漲潦造舟以濟行旅築隄捍防民乃奠居

歙縣志

吳元鉞休甯人錢塘籍以廩貢官浦江教諭升潯江知縣後補平樂升知陽州服官三十年修浦江學宮築潯江河隄創平樂社學革監利私關均大甯賦丁糧政聲卓然稱循良云

休甯縣志

程國棟字玉亭休甯舉人歷知嘉定鹽城沛范滕諸縣皆有惠政鹽城東連海西接黃淮河隄屢潰射陽湖淤不利洩棟上計

於河使者陳三大工一疏東界河使泰興之水由大蹤河歸新
洋入海一疏西鹽河東塘河使高寶之水由射陽湖入海一疏
北穿場河及廖家港院道港以溉一百二十里從古無河之高
田且引汙河水直達射陽湖入海使者奏請行之遂爲七邑永
利壬戌河決古溝橫溢下河棟以海上天妃石礎上岡草堰四
閘計其金門十五丈二尺不能當西來異漲乃開天妃閘旁越
河八丈以殺其勢又開范公隄一百餘丈助洩之或以工大宜
詳請棟曰事急遑待報乎捐俸成之水果平棟所在講求水利
遇災輒請賑或格不行則憂形於色所至人懷其惠而鹽人德
之尤深至今尸祝之

休甯縣志

程世綏休甯舉人知靈寶縣題授陝州捐廉平硤石張茅險徑
墾荒地三千八百餘畝給平民修水利旋升東昌府擢湖北驛

鹽道遷甘肅布政使以兄世繩卒於京山任悲不能已遂告歸

休甯
縣志

趙道元休甯人官平鄉知縣縣當漳溢交流漳南徙而溢漲涸不時舊建利民六閘以啟閉水旱無虞年久傾圯道元至連歲遇旱乃蒐訪利弊捐俸重修六閘復於河東相其地勢添建二閘灌地萬餘畝又於中流建閘二座停蓄水勢工匠木石之費一不擾民設閘長以時啟閉議條約以杜爭端又於江淮雇募良工製造水車以佐水所不及爲其地民所未睹於是灌溉不勞而水利足至今民尸祝之

休甯
縣志

程師爽休甯貢生選德安通判郡有營弁竊盜吏莫敢發爽捕而置之法又殫私資築隄以禦天門水災監賑漢陽蠶吏侵漁立懲奸胥親自給發後道山廣濟遇寇其首前曰莫非昔年監

賑漢陽者乎立揮其徒以去休甯縣志

金宏勳休甯人桐鄉籍以薦分發四川攝雙流縣向時打箭爐

餉皆雙流長運力請改途嘉定白雅河水運公私便之補安岳

縣縣治新創山箐多盜嚴立保甲盜悉解散再補涇縣以卓異

擢壽州官至汀州府休甯縣志按宏勳既補官安徽不得為休甯人矣舊志沿商籍例收之未細審耳

金烈歙縣人歷官吏部文選司郎中倣唐長名榜式先期注擬

班次瞭然銓政一清擢廣東惠潮嘉道捐俸築海陽蔡家園隄

水患以息惠屬龍川和平二邑為江西定安下游商人欲便運

販謀開大渠從贛南當事請於制府烈馳赴相度謂此渠一開

則龍河俱壅繪圖陳利害力言不可事得寢休甯縣志

程鑿字坡士歙縣廩貢官工部主事歷郎中出為全浙督糧道

值歲祲閣臣黃蓋奉

旨發常平散賑而各屬倉廩皆虧無不束手鑾獨慨然身任召諸老吏授以重資分路告糴剋期畢會全活無算使者入告

上特賜御書聯句及彩緞實外吏未有之殊榮嘉杭湖三郡漕糧數繁

弁丁積弊往往牽累有司鑾悉發其奸更招遠商以平米價設

粥糜以活饑民捐修學宮葺文信國祠政績皆卓然可紀

敘縣志

程銓字夔州鑾之弟也康熙癸巳進士授刑部主事臺灣朱一

貴肆逆官棄城者多論法銓研核精詳毋縱毋刻堂官每虛己

從之升員外遷郎中時有惠安童生罷考案議照河南王遜例

立決銓謂罷考同而所由罷考不同河南以派夫撓國法惠安

以禁夜忤典史偕同官包濟力爭得減

敘縣志

汪理祁門人康熙壬子選貢知衡水縣時邊警有牧馬之役理一芻一粟不以擾民常例積弊概行詳罷調新和革陋規則奸

弊及解組歸士民祖餞數十里不絕

祁門縣志

程子璋歛縣人官廣東開建知縣大金山有豪猾黃某役民採金而收其利值大力者奪之黃遂招致海寇盤踞山中四出劫掠子璋團練鄉兵禦之復書榜示脅從者令其來歸有歸者又勸其建功贖罪於是自相攻擊渠魁授首歲饑不待請而開倉平糴全活饑民無算

歛縣志

程子現歛縣人官岳州府通判岳濱洞庭盜賊藪集湖南糧艘在岳盜匿其中吏莫敢問子現禁商船夜行停泊處嚴行防護立湖船保甲法盜用衰息嘗單騎夜巡獲積盜徐三及周大見王麻子等

歛縣志

凌如煥字榆山歛縣人由進士官侍講視學湖北歷內閣學士時方議開墾河東如煥疏言報墾之時不過濫邀議敘升科以

後必至飛派民田國家宜體寬賦之仁杜言利之漸乾隆初渾水大發遣如煥巡視奏言畿輔地近幸得早聞他省郵書稽遲請令有司得便宜行事後晉兵部左侍郎以乞養歸

歙縣志

汪由敦字謹堂休甯人雍正元年以諸生薦充明史館纂修明年三月舉順天鄉試八月成進士選庶常授編修由宮坊講讀

晉卿貳

簡侍禁廷擢禮部侍郎授工部尚書轉刑部入直軍機處平定金川敘功加太子少師協辦大學士以代原任大學士張廷玉奏事革職畱尚書任會四川學政朱荃以墨敗由敦坐薦荃典試復革職仍理兵部侍郎事自贖補戶部右侍郎奉

命勘永定河時有言宜別開新河歸海者由敦徧歷沿河州郡議以暴水爲患由河身淤淺第濬之當自息宜仍舊便奏上

報可授工部尙書加太子太傅轉刑部敘平準噶爾功加三級自準噶爾出師以來由敦偕同事諸臣晨夕進見日數四或扈從

召對帳殿亦如之轉工部尙書又轉吏部卒於官年六十七加

贈太子太師諡文端入賢良祠由敦嫻於歷代掌故前後考定樂章祭器鹵簿及朝會升附諸大禮皆斟酌古今釐然爲一代之制雖

以文學受

知而簿書錢穀刑名之事亦無不究心焉有詩文集各五十卷兼工書

法爲學者楷模

一統志
休甯縣志

黃文煒字飛赤歙縣拔貢雍正五年自韶州府調任高州廉明嚴斷禮士愛民畱心學校學宮祭器樂器舊多殘缺悉爲補置蒞治數月頌聲四作郡人比之黃潁州後升兩湖鹽法道旋擢

臬司

廣東通志
新墀

朱陵字紫岡歙縣人雍正甲辰進士選庶常歷官監察御史出爲贛州知府分巡贛南贛當閩粵之衝有東西兩關委陵兼攝一清吏胥之弊令諸商自注稅銀於簿法寬而課自裕調辰沅

永靖道

歙縣志

許起昆字玉載歙縣人以薦發河東試用署蒲臺縣首正偪嫁寡婦之俗移署利津三年內請賑請蠲請緩徵請平糶不一而足催科收漕清而能嚴吏胥無所施其巧溝渥久湮親爲疏濬力行保甲之法使姦盜無所容卒於署士民哭之慟

歙縣志

洪璟歙縣拔貢教習知交城縣設義學修盧川書院薛公祠捐俸築北郭外臥虹隄長八十餘丈邑無水患升大同知府猾吏斂迹民困以蘇

歙縣志

汪守魯歙縣人選授陝西甘肅行都司斷事舊俗不事耕桑不

習禮法守魯至條陳四事一廣開墾以裕軍儲二定法制以變習俗三嚴旌別以端風化四興種植以阜財用上官褒異著爲令斷事職在理刑涖任月餘舊案剖決殆盡

歟

吳煒字覲揚歙縣人雍正庚戌進士歷官給事中章疏數十上嘗劾河臣完顏偉及九卿薦舉朱文瀾畢宗高非其人直聲大振出爲口北道興利祛弊歲饑不俟請發粟賑濟饑民賴之

志

重修安徽通志卷一百八十七

人物志

宦績十

徽州府

吳華孫字冠山歙縣人雍正庚戌進士選庶常授編修乾隆六年任福建學政恕而不弛公而遠譽武平人鄧美生爲劉祿麟所殺棄屍於水縣令反加屍主三木觀者大圍投瓦礫塞署門縣令不得首惡拘素不快之生監二人非刑考訊皆誣服議大辟巡撫周某語華孫宜劾教官可自免華孫不肯依抗章言二生冤狀

詔覆訊二生得免死

福建通志
歙縣志

汪亮卿字步庾歙縣貢生選授嘉興府通判雪秀水民婦吳胡

氏冤署嘉興及湖州同知巡緝巨盜補如皋知縣飛蝗入境禱城隍及劉猛將軍廟蝗盡入海淮徐水災發粟賑濟民沾實惠

歙縣志

王惟修歙縣貢生授嘉禾知縣後補寶慶府城步縣到任未半載獲巨盜三十餘案結案二百餘事補寶靖理搖督捕同知雍正十二年黔苗猖獗會有寶慶靖州搖寇乘勢劫掠咸議剿滅修獨請招降良善勒獻渠魁卽以修參贊軍務其中被脅之眾悅服投誠全活四千餘人搖寇平擢寶慶知府而修已卒蔭其子崇浩

歙縣志

吳開字來儒歙縣拔貢知陽高縣調臨晉案無畱牘獄無滯囚先是民之輸糧者吏弊百出開令民自封投櫃有數浮其實者錄其名於簿出示某戶多銀若干令民自領又所需儀物發價

自辦無絲毫累民鄰郡疑獄上官委以會勘不煩言而剖歿後

歸櫬攀送號泣者數千人

歙縣志

汪喬林字南皋歙縣武進士選授甘肅柳溝衛守備地處邊徼招戶墾種經畫水利踰年拓地升科已數百頃乃設立義學延師教民乾隆二年詳請分棚考試學使謂邊衛文藝如柳溝者蓋寡次年歲歉詳請賑恤後卽捐俸先辦以待檄至接濟民困

以蘇

歙縣志

金德瑛字汝白休甯人乾隆丙辰進士第一授翰林修撰累遷內閣學士禮部侍郎操文衡者二十年嘗以太常代祀山西陵寢見女媧氏塋像不經奏改木主戊辰自江西學政還時齊魯告饑發帑賑濟而鄒滕以南尤歉

召對時口奏卽日奉

旨展期博濟丙子秋淫霖暴漲河決孫家集口運道不通時以江西典試還乃駐一日與土人登雲龍山詢度堵洩之宜入對悉陳本末卽日遣大臣往視皆如其言水患以平擢左都御史尋以疾卒櫬從運河歸鄒滕徐徇聞民皆哭迎之

休甯縣志

倪嘉謙字有光休甯人仁和籍乾隆丙辰進士知安塞縣初下車值歲大稔集父老告曰水旱不時宜乘此豐稔豫爲儲蓄於是分二十四保設倉勸積粟至數萬禁吏胥毋得侵漁後歲屢稔他邑不支而安塞帖然

休甯縣志

鄭世逢休甯人知江西龍南縣嘗捐俸三賑大荒龍人頌之

休甯縣志

志

程式字周序休甯人官溫州府長林場鹽大使海濱有荒田千頃舊有埭捍潮後海水衝溢廩塞不治者數十年式力請上官

修復埭成邑人德之名曰程公埭紹郡災奏委辦賑萬民頌德

休甯縣志

黃興仁字元長休甯人官刑部員外擢郎中黔苗不靖在軍營有功乾隆元年以黔省用兵恐廢農事借給牛具籽種興仁奉行黃平及施秉餘慶諸州縣親視給散不假吏胥手授衡州知府旋署衡永郴桂道

休甯縣志

方騫字蔭山歙縣人乾隆丙辰進士知融縣興學校振頽廢融有思管鎮舟車不通騫使其民役於公而以其直買穀捐資建倉積貯以待賑鎮人立碑紀其事稱為方公穀兼攝羅城縣事八月其返也涕泣而送者數千後調淩雲融羅之民送者數萬

歙縣志

胡寶琬歙縣舉人授中書歷順天府丞征剿金川參贊軍務平

定凱旋纂修方略嗣以副都御史兵部右侍郎巡撫山西歷湖南江西河南均節制各鎮兼提督以擒獲澤旺軍師功加太子太保復任江西擒獲馬朝柱軍師又以黃河水泛沈溺五十四縣復河南原任賑救安集民忘其災卒於官

賜

一品祭葬加兵部尙書太子太保諡恪靖

一統志河南名宦
欽縣志

王應超字僊雋婺源舉人知山西太平縣大水淹塌廬舍捐俸賑恤民忘其災嘗獲一小賊疑其狀鞠之再三果得枯骸於鄰邑胥井中則賊所謀陷者一縣驚爲神調交城遇旱禱雨狐突廟步行百里而甘霖沛又調晉陽大案疑獄多所平反升平定知州準葛爾用兵羽檄交馳取道平定辦理裕如事平以軍功加級記名以知府用卒於官

婺源縣志

江吳鑑歙縣人乾隆初知樂山縣慈祥有威雅意人才竹公溪

數十里田皆引雅水灌溉然水頭田寒禾苗稍遲水尾田暖則較早舊規引水先水頭次水尾水尾得水不時少有收穫吳鑑爲權其利先水尾次水頭彼此無礙而秋成加倍後擢茂州樂山民立祠祀之

四川通志新增

吳士陞字揆銓婺源人以貢考授中書升主事外補楚雄府丞值西藏用兵軍需旁午協辦無誤上憲知其能委督廠課盈額萬餘悉以歸公廉聲大著又辦賑務民沾實惠委讞重獄詳愼平反以勞成病卒年僅三十九

婺源縣志

汪鼎金字凝之休甯人乾隆壬戌進士知三水縣縣當要津處以鎮定以餘暇葺書院延師課士調新安沿海要區從容整頓建文岡書院人文蔚起卒於官貧無以斂總督陳某賑恤之槨

始得歸

休甯縣志

汪沂休甯人官九江府同知屢決鄰郡疑獄臨江屬之清江舊有隄捍田千頃屢議詳請修築不果沂涖任卽捐俸倡修而月功成人懷其澤

休甯縣志

江洪字蒼舒歙縣人官刑部郎中熱河有牙僧羣斃人命致死實王姓而誣高某洪細鞫之高不置辨疑而查之則瘖也遂釋高而置王於法出知西甯府以呈誤罷起補宣化同知遇事立斷案無畱牘吏卒妄證卽予杖斥革民免株連

歙縣志

江權字熙濬歙縣人乾隆乙丑進士官夔州府知府前署雅州府時小金川僧格桑肆逆民日數驚權視事如常密請發兵鎮木坪民乃安堵大軍進剿奉檄督木坪糧運又護軍需至木果等處皆先期抵營事平

特旨補授夔州夔俗强悍有號咽喉者尤爲民害重懲其魁餘皆望風

遜去

歙縣志

江登雲字舒青歙縣人以武進士官侍衛兩護

車駕北巡關外多著勞績出任南漳遊擊以地僻藏奸設遊巡法以靖
寇盜革豪弁利債以蘇民困調乾州游擊力罷采黃之議以杜
邊釁會有告紅苗出掠行旅者登雲熟審苗性半由奸民誘結
因單騎按部宣布法令搜得奸民楊老回等正其罪苗人稱快
罔不帖服擢南安參將升袁臨副將三署南贛總兵咨定儲糧
賑兵舒民之法饑年稱便

歙縣志

王文德字晉三婺源人官平陽府同知適萬泉縣民變巡撫稔
其才使攝篆以撫綏之民用帖然尋署霍隰沁諸州皆稱職其
署平陽府也屬縣太平以水利爭訟久不決文德爲相度情形
築石隄開兩口以分注之訟遂解上憲將密疏薦以母老引疾

歸安縣志

王應瑜字尹孚婺源人乾隆辛未進士選庶常授編修改御史出爲知府赴甘肅署平涼同知辦解軍需馬匹迅速無誤又署莊浪同知護臨洮道兼辦軍需及全省事宜護藩司數月督辦察哈爾兵差台站籌黃河冰渡舟渡無不動合機宜旋署涼州府授甯夏府兼護道印整飭渠利調安西墾田一萬七百餘畝安插居民四百餘戶以足疾劇解任病痊赴補復委辦新疆經費局授涼州府擒劇盜馬得鼐卒於官當道悼惜之

婺源縣志

於官

婺源縣志

齊剛字健中婺源舉人分發山東初署嘉祥勤於撫字授鉅野地當要衝多徭役剛刻苦自節絲毫不以累民民有爭訟多方曉譬往往釋怨於公堂而去卒於官停櫬古廟民入市者必攜香紙往奠流連涕泣年餘不絕

婺源縣志

張圖南字搏萬婺源舉人分發浙江知桐廬縣地常患盜慈撫嚴懲宵小屏跡創建桐江書院調秀水鄰邑吳江報浙境聚匪幾與大獄圖南廉知爲勾徒羣衅卽擒獲赴轅首實邑民安堵桐廬告災吏不申詳民情洶洶大憲委赴查勘據實陳請計口給賑且請緩徵民用綏靖升杭州東防同知民多水患乃相度地勢捐廉籌辦海艘百餘修隄千數百丈以老歸民祠祀之

婺源縣志

吳綬詔字澹人歙縣人乾隆戊辰進士授翰林擢御史請更定

稽查五城竊案章程禁大吏得民訴牒仍發原地方官覆審會
審之錮習官陝甘學政及奉天府丞嚴禁冒名代作諸弊以端
士習酌撥府學員額以示均平擢京尹晉通政以親老乞養歸

歙縣志

邵齊然字聞谷休甯人乾隆戊辰進士選庶常改刑部主事審
察案牘至廢寢食有一隙之疑必呈駁議於是得減等者甚眾
升郎中出守溫州調杭州釐正南糧倉弊讞獄多平反或譏其
遲緩歎曰民命至重敢以才幹見長哉卒祀杭州名宦

休甯縣志

汪永聰字穎思休甯人乾隆壬申進士知陝西甘泉縣歲歉民
欠常平倉穀三萬餘石聰不忍苛徵約以五年償甘受處分修
城賦工屬役鄉民多不知者

休甯縣志

吳賢休甯舉人署溧水縣廢五通祠改建武廟再署荆溪修學

宮葺前明盧忠肅公祠江陰田潦令不報災羣聚毆令令走白
上官巡撫命縛其民四十餘人眾皆驚竄命賢往撫賢曰以眾
往是益民疑也避兩廉從行曉諭四境民情帖然休甯縣志
朱芑會字蕙纓歙縣人乾隆丁丑進士知樂平縣歷官福建漳
州知府巨盜陳薦出沒爲一方害吏不敢捕芑會躬率丁壯以
計搗其穴擒治如律民賴以安擢督糧道調汀漳龍道署臬篆
嗣剿臺灣逆匪林爽文總理軍需無誤適以失察屬邑盜案降
調奉

旨特畱旋以積勞成疾乞歸卒

歙縣志

曹文埴字近薇歙縣人乾隆庚辰傳臚選庶常授編修歷官戶
部尚書以母老乞歸養加太子太保銜

御書扁額以

賜其母庚戌入京叩祝

聖壽八旬蒙

恩賜母綬二端貂皮十張乙卯恭逢

高宗純皇帝御極六十年入京叩祝蒙

恩賜母

御書扁額壽佛文綺貂皮等件皆未有之殊榮文壇由翰林供奉

丙廷二十餘年典試廣東視學江西浙江各一充四庫全書總裁又

充三通館副總裁並同辦遼史元史濰縣民以浮派控奉

命查辦得實京師有疑獄久不決覆驗據實以聞案遂定運艘解糧遲

滯將誤新漕赴通辦理不十日而竣浙省倉庫虧短乘傳往按

與阿文成詳覆定議並酌立善後章程尋履勘柴石二塘以舊

柴塘卽爲坦水關繫石塘保障奏明歲修浙人賴之在籍奉母

十二年嘉慶三年卒五年

特旨賜祭葬謚文敏以子振鏞

贈太子太傅武英殿大學士

歙縣志

方思孝字立行歙縣舉人知隆平縣邑大饑請賑上官不許難
曰若待再請民已轉於溝壑吾願以一官殉之遂開倉發賑全
活無算

歙縣志

畢本恕字仲言歙縣人以道員分發湖南署辰州府事縣多差
徭每雜拘鄉民無遠近日給數錢守候民受其困本恕召驛夫
長募民強壯願充夫者爲之限以額散給驛舍計口授食月就
縣支給禁後永不許更擾村里且勒石以垂久

歙縣志

吳恩詔字仲延歙縣舉人授中書歷官金衢嚴巡道禁溺女鋼
婢惡俗絕倉穀派買帖費諸弊調甯紹台兵備道庚子諸暨水

災懇請蠲賑全活億萬人其年冬搶修海塘兼程催督曉夜勞

瘁以疾卒

歙縣志

曹元瑞字侶白歙縣舉人知范縣借糧種修義倉署濮州有妖人繫獄多所株連捕當坐釋無辜調東鹿俗健訟至彌月案牘一清擢南路同知旋補東路兩處被水蠲賑有法終宣化府知

府

歙縣志

姚任道字亮卿歙縣人乾隆甲戌會試明通榜知莆田縣去之日攀轂塞道湖北荊州積案數十年不決牽累數千人任道奉

委往勘一一讞決省釋終江西臨安府知府

歙縣志

潘應椿字仿泉歙縣舉人知懷來縣總督裴高勘和合口玲瓏石壩應椿以和合口爲媽水桑乾洋河三水匯流之咽喉若束而狹之橫溢爲害可立待也上書數千言力陳其不可裴據以

聞

詔曰可永定河下游數州縣被滂奉檄往勘直陳民病皆得賑卹官豐潤有官地數千畝民多坐葬忽奉撫檄開墾椿力止之遂定爲義冢著於令後補廣宗縣以勞卒官

欽縣志

王璽字可堂休甯人乾隆己卯選知揭陽縣虛公詳愼勤於治事聽訟不以擊斷爲能移服其心而後已時巡行阡陌問民疾苦蠹胥悍役不敢逞奸尋以終養告歸民思之

廣東通志
新增

朱芑星字式山歙縣舉人授中書官至分巡清河道生有夙慧七月能識花好二字人以比白香山官曹州知府時有壽張邪教惑眾謀犯州府芑星練兵防禦親巡雉堞賊平徵服入滂山搜捕餘黨民安堵後在登州東平皆有惠政去之日數十里鄉耆齎錢走送後守永平以勞致疾升分巡清河道未之官卒

欽縣志

志

程芳字湘皋休甯歲貢知冠縣歷任永定臺灣鳳山諸縣鳳瀕海民猶雜居其田多藉番源來水以滋灌溉番民每截流以病禾芳單騎入其境諭以恩威番皆聽服至是河流無壅

休甯縣志

黃法休甯歲貢官開封府同知歷署南陽汝甯知府郡有豪紳佔匿人婦其家屬控莫爲理法下車風采甚峻豪紳懼陰致千金嚴拒之密令幹僕偵其跡久之得婦所在竟置之於法郡頌神明以艱去士民攀泣立祠祀之

休甯縣志

夏念祖字禹洪休甯人初任歸州尉州有巨盜張洪順兄弟肆行劫掠念祖設方略易裝往捕盡獲之申院司盜殺翻圖脫大吏不察坐以誣良裁職褫職擬徒逾四年盜他發經部駁奏特派欽差赴楚按驗得實念祖復還原官遇應升之缺卽用旋補尋旬

州尉廣築隄防興蓄洩之利升撫州府照磨旬民謳思事載尋

何志名宦傳

休甯縣志

黃孝熹字晨暉休甯人官婁縣知縣增昭陽書院膏火延名師主講嘗署興化縣被水災民借籽種銀二萬餘兩歲方熟檄追甚迫力請大府展限以紓民力又捐廉代貧民完蘆課積欠銀八百餘兩調泰興亦增凝秀書院膏火振作人文他如禁差擾勤聽斷勸農桑嚴捕盜皆克盡司牧之職

休甯縣志

張炎辰字震區休甯人分發河南署涪川縣事下車卽革除里民應差車馬之累訪求子產東里遺趾立廟祀焉後授許州襄城值歲饑黃河漫口工急以勞卒官

休甯縣志

江炯歙縣人乾隆三十四年知樂會縣仁廉明恕畱心學校增設書院膏火鄉試賓興等田租士林德之設位祀書院

廣東通志

增

汪承霈字受時休甯人文端公由敦之次子乾隆庚辰以二品
蔭生爲車駕司主事丁亥奉差戶部坐糧廩凡清河轉漕運銅
裕課節浮費卹丁民人咸頌之辛卯小金川用兵隨戶部侍郎
桂林往視師庚子超遷副都御史歷任刑工戶三部侍郎降調
副都御史嘉慶四年己未奉

旨命諸臣言事需以時政利弊數條入奏

上有不愧舊臣之子之論歷位至兵部尙書兼管順天府尹辛酉永定
河決居民多被淹沒奉

命發帑往卹需買民閒糗餌捆載而往散給周徧雨不止水益暴巡視
省察晝夜在古廟中料理疏渠瀉水轉賑加賑諸務隨時入奏
皆蒙

俞允兩月餘水始落民賴以安需素有目疾至是加劇壬戌仍調左都御史甲子以二品休致歸舟抵陽穀縣卒於道蒙

恩特賜祭葬

休甯縣志

金雲槐字蒔庭歙縣人乾隆辛巳進士由中書授翰林改御史出知常州府所至問民疾苦安良除蔽摘伏如神值歲歉蠲賑推廣

皇仁捐廉爲紳士倡民慶更生升浙江督理糧儲漕務道掃浮收剋扣諸弊丁民感戴以子應琦

贈榮祿大夫山西巡撫

歙縣志

曹城字仲宣歙縣人乾隆辛卯進士選庶常授編修兩充順天鄉試同考官累官少詹事授山東學政擢內閣學士兼禮部侍郎歷禮兵二部左右侍郎典試浙江事竣奉

命便道巡視鹽務河工回奏稱

旨授順天學政卒於官

歙縣志

江蘭字芳國歙縣貢生初任兵部主事擢郎中歷官北河總督董泊河務調雲南按察使路出松桃值苗民不靖帶兵助剿超升雲南巡撫普洱邊界黑獐陸梁卽會同提鎮募兵聚糧深入不毛直搗賊巢事平特邀

恩眷頒給荷包玉器嘉慶元年內補兵部右侍郎董治

山陵兼平畿南巨盜有功轉左侍郎移疾歸

召赴河工協理河務議敘入都旋卒

歙縣志

洪朴字素人歙縣人與弟榜梧時有三鳳之目乾隆乙酉

上南巡召試

欽賜舉人授中書辛卯成進士由主事升吏部郎中甲午典湖南鄉試

丁酉視學湖北率諸生崇實學勵名節轉補刑部郎中總理秋
獻持法甚堅去弊甚力出爲直隸順德知府盡反時俗之弊清
操益著梧字桐生庚子

召試舉人授中書庚戌成進士授編修乙卯典試浙江得人最盛後出

爲沂州府知府卹民愛士閩郡懷之

歙縣志

項應蓮字西清歙縣舉人知彭山縣委審積案多所平反又任
宜賓縣縣產荔枝供億累民力罷之邑有大佛沱爲極險灘捐
造救生船以拯溺數年灘長爲陸邑民勒石歸美歷升至思南
知府捐資建鳳岡書院延師教授廣給廩餼人文蔚起宜賓祀

名宦

歙縣志

程嘉禎字汝華績溪監生授鹽大使遷知永嘉縣嘗令蕭山有
古廟避雨者二人失銀皆易以石當拘同避雨數十人略訊卽

釋去惟留三人則一爲奸匪二人之銀皆其掉換眾驚爲神又攝漳浦邑有重犯林淮官以不能獲褫職者相繼嘉禮擒而置之法攝南安值歲饑捐萬金買辦以賑凡四閱月全活十餘萬

人

績溪縣志

姜肇山績溪拔貢任霍邱訓導嘗與令爭保全諸生三人歲饑佐賑親履鄉都民沾實惠又值飛蝗食稼踏田驅逐蝗不爲害

績溪縣志

周廷策字贊平績溪舉人出宰廣東攝龍川縣掃除陋規凡署中所市一依民價捐俸重構三台書院增其膏火揭治民十八條於坐右屢雪冤獄嘗獲一賊自云日可千里感官至誠不欲逃而就繫耳卒於官槐歸哭送者不絕

績溪縣志

汪思蔚字慶雲黟縣貢生以川運例議敎官宜昌府知府興山

縣民曾姓者因命案疑似桔械成招思蔚研鞫知其冤白上官
脫囹圄者三人而選幹捕緝正凶巡撫謂遽釋三人嫌過寬不
稱職請改部用授工部員外郎甫解任正凶見獲應復原官以
不願外畱京職以疾歸

彭縣志

孫學治字贊平彭縣舉人分發四川署彭山縣值水漲居民蕩
析撫賑有方嘉慶元年任夾江時教匪滋事團鄉勇講守禦法
邑以無虞署黔江地與楚苗接壤剿定後邑人流亡歸者分別
戶口與之休息五年補清溪地爲衛藏建昌交會衝塗民夷雜
處凡乘傳過邑舊有公櫃承值經事者多私侵派撥里夫豪猾
避匿移之窮民爲清理其冊籍櫃無侵蝕夫役必均卒於官貧
無以斂官民交助輒始得歸邑人送其柩至三百里外

彭縣志

金應琦字元夢歙縣人乾隆甲辰

南巡召試

賜舉人授中書以艱歸起補侍讀出爲山西河東道捐俸復宏運書院
優諸生廩給嘉慶元年臨晉頑民抗糧撫檄帶兵馳辦應琦單
騎往諭村民感泣立限清完事得寢三年川陝教匪未靖蒲解
一帶地接潼關晝夜戒嚴籌計防河團練事宜條款十二使軍
民各不相擾擢浙江按察使調湖南升山西布政使臨汾二十
六州縣荒旱頻仍告於巡撫奏請蠲緩賑卹民獲安堵潞鹽侵
越淮綱議復商運革除糜費陋規十四年擢山西巡撫猝患風
疾假滿百日籲懇開缺

召爲刑部侍郎未幾卒

欽縣志

洪範字養泉欽縣諸生入福郡王康安營幕佐平後藏剿蕩苗
疆殲除白蓮教由縣丞升松潘廳同知甫抵任賊匪數萬偪境

聚石城守十七晝夜賊始遁升同州知府丁艱起補曹州升山東運河道河水淺涸重運延久當事擬開黃濟運範不可當事怒範曰官可去黃決不可開議中止疏泉以達得如舊制道光元年改部郎旋卒

歙縣志

汪滋畹字薰亭休甯人乾隆己酉進士由翰林歷官至內閣學士禮部侍郎嘗充

武英殿校錄以至總校總纂辦書至五十餘種之多考訂校讐至再至三從無訛誤平生優於經濟雖居文學之班而每有所見侃侃問問辯證無諱悉關時政之要

休甯縣志

程濂字紺溪休甯人以貢官中書科中書外擢太湖廳同知太湖水勢遶閭山踞湖中奸民最易匿跡濂捐修潰港隄岸添設卡座巡船境內安宴有誤殺其婦者已擬大辟詢得其情並知

爲孤子詳請減等畱養他如勸農桑清積贖嚴捕緝剔宿蠹實

心實政不可勝紀

休甯縣志

謝文濤字奉山祁門人乾隆乙未進士知臨澧縣時武城運河淤淺奉檄往治立即疏通調曹縣以獲盜功升濟甯州知州未之官卒士民惜之

祁門縣志

謝登雋字金門祁門人乾隆壬辰登中正榜授學正出爲宜昌府同知甫蒞任教匪滋事團練鄉勇從征有功升知府絕請託罷供億宜昌人稱爲冰壺太守

祁門縣志

著退滋堂集八卷

縣志

新增

胡德彭字濟之婺源人官銅仁知縣時紅苗滋事供辦軍需以勤勞加級小竹山賊就擒奉檄往訊誅止其魁脅從多所全宥卒於官民人哀慕

婺源縣志

王鵬南字搏北婺源舉人知廣濟縣歲旱開常平倉發穀借民
邑有蝗災身往督捕捐廉以賞捕者災乃弭調漢陽邑繁多盜
嚴保甲勤察訪盜賊衰息漸有疑案特委覆審虛公簡聽乃白
其冤以勞卒官槐歸士民泣送婺源縣志

謝嘉修字永田祁門舉人授甯國府訓導教士有方丙午大饑
奉檄查賑民沾實惠全活甚眾書院佃負租千餘石敲扑頻仍
力請豁免大吏屢欲保薦以母老辭卽移疾歸養卒以子崧

贈朝議大夫

祁門縣志

李承端號椿田婺源人乾隆丁未進士授工部主事居官清潔
燭私剔蠹有吏懷金以獻堅拒之龍江關織造某請於和州含
山等處增設小關工部未察其詳承端抗言不可爰備陳江河
形勢遂不果行以艱歸服闋起補屯田司主事歷升製造庫郎

中有給諫以誣罔下獄承端請以全家保之冤得雪記名御史
疊監督木倉寶源局卻陋規清積弊卒於官

婺源縣志

方體字道坤績溪人乾隆庚戌進士由刑部郎中出知九江府
捐築桑落洲隄更正九江關船尺瑞昌僵尸殺人縣讞已定爲
婦殺夫體廉實雪其冤擢蘇松常鎮道調江甯鹽巡道濬清淮
支河一千二百餘丈升湖北按察使參誣良釀命之知縣論如
律遷布政使告病歸著有儀禮今古文攷正儀禮古文攷誤錄

雨山房集

績溪縣志
新增

黃輝字耀廷婺源拔貢揀發知縣歷署洛川中都鄆州有聲以
乞養歸起補山陽署汧陽鄰境民變因之饑饉捐廉勸輸全活
無數民爲立碑在山陽修城櫓及園圍有咽匪剽伏得出沒焚
掠以計擒之山南安堵

婺源縣志

黃恩字德洋婺源舉人知平羅縣政簡民安逆回滋亂通渭失
守乃擢恩攝篆賊棄城遯於石峯堡調軍征剿軍實芻糧恩皆
拮据籌辦無少貽誤事平以親老陳情改教司鐸江陰婺源縣志
戴世篆字引書婺源舉人分發山東署甯海州委辦河工勤敏
將事歷署諸縣並有政聲後以解西餉北餉紀錄大功應升以
老乞歸婺源縣志

董昌理字仲山婺源貢生以四庫館膳錄議敘授州判分發湖
北署京山縣丞委督隄工不數月隄成鞏固補蘄州判兼署大
同鎮巡檢兵差過境毫不累民兩辦災賑不假手吏胥民沾實
惠卒於官貧無以斂知州魏某購辦棺衾小民爭餽蔬米各憲
同官贈送輓始得歸婺源縣志

程雲翰字秋羽黟縣副貢由教習知西平縣捐資興書院以造

重刊五侯通志卷之二十一
士嘉慶癸酉滑縣教匪滋事團練鄉勇守禦甚備縣當孔道差役繁重不以累民歲饑疫作詳請緩徵斂死卹生竭心力爲之明年大祲復請平糶未報先出資開局親往賑給以勞卒官士民哭泣輓歸路祭者不絕

縣志

王家景字辰北歙縣人嘉慶己未進士知清流縣山水漂沒里居家景卽出倉粟四千八百石以賑眾以未請持不可慨然曰吾豈以利害計哉尋令松溪松溪多會匪又攝甌甯地多流匪嘗掠良家子女昂其價令贖又距山結厂以巧博誘男女聚會墮其術者不破家不已家景懼之以兵縛其魁驅其黨民賴以

安

歙縣志

吳名馨字晚滋歙縣人以經歷署都勻府事時聞雷新保不靖名馨作商人狀馳二百餘里突入捧裝擒之以出巨寇伏誅民

始知之升荔波知縣粵西有匪徒凌輞珍竄入閩郡震恐名聲

從容指畫不數日渠魁就擒居民安堵稱爲神君

歙縣志

周啟魯績溪人嘉慶辛酉進士知福建泰甯縣縣城當杉溪水北來之衝甫下車卽捐資築壩水患永息士民德之又節次贖解逋賦萬餘兩大吏以卓異保薦旋以修城積勞遇疾而卒

績溪志

歙縣志

程鶴年字其吉績溪人嘗攝廣信府篆兩月判結百餘案民心

悅服歷署鹽運道贛南兵備道所至修學卹士政聲洋溢

績溪縣志

程尙義字雅宜婺源拔貢揀發知縣補肥城嘉慶丁巳運河奔

溢議挑引河洩水肥城派挑二百餘丈尙義自出己資僱挑不

以絲毫累民一境帖然丁卯戊辰閒會匪煽集設計潛獲罪巨

魁宥脅從民得安堵乞終養歸

婺源縣志

單光國字任之婺源人官雲南楚雄知府府爲九郡咽喉其滇銅運京要津曰響水關洪水冲坍光國請改版橋發石以圖永固工竣調廣南甫下車歲大饑卽採買鄰封減價平糶見城垣頽圯遂仿古人興役救荒之策捐廉鳩工民忘荒歉又度地勢造杠梁以便滇粵兩省鹽銅互運捐資興復蓮陽書院纂修廣南府志調東川府以祖老乞養歸士民遮道流涕婺源縣志

朱光燿字漢占婺源貢生署蒙城教諭黃水蕩析民居民棲樹杪不得食急白邑令備報災狀首捐俸造麪食勸紳士斂助豆麥雇船數十率諸役徧賑鄉閭復奉委辦賑民沾實惠授太和教諭修學宮創壽山義學庠士受戴卒於官婺源縣志以上舊志

程振甲字也園歙縣人父光國見義行傳振甲文章瑰琦詞翰特妙乾隆甲辰

召試舉人授中書充軍機章京洊轉吏部員外郎屢隨

欽差查辦事件雪冤卻賄不附勢要從軍湖南還京和珅與不相中告

歸時年三十九生平慷慨博施不責酬家落客游道光六年卒

於廣東程恩澤稱振甲亮節清風避權遠黨自成高潔出處大

節無虧義舉著在人口筆不勝紀

程恩澤遺集以下新修

孫球字鳴虞休甯舉人由內閣中書歷官監察御史兩劾和珅旋以目疾歸道光辛卯科重宴鹿鳴

賞四品銜

休甯縣志

吳椿字蔭華歙縣人嘉慶壬戌進士由編修歷通政司副使督學福建道光九年以光祿卿充會試副考官十一年以兵部侍郎督學浙江十四年以戶部侍郎充浙江鄉試正考官均得士稱最旋以左都御史留浙督辦海塘十六年工竣得

有嘉獎授禮部尙書調戶部十九年因病開缺以七十生辰

御書宣勤篤祐額福壽字及諸珍物

賜之二十五年卒

賜祭葬卹典如尙書例

史館
鈔傳

程祖洛字問源歙縣人嘉慶己未進士由主事洊擢湖南布政使道光元年調山東二年升陝西巡撫改河南緝獲教匪朱麻子並匪黨四十餘名先後導治漳洹衛三河分別挑引溝築壩堰又濬虞城夏邑永城各溝河四年江南高家堰漫口祖洛奏河南撥米十萬石銀四十萬兩麻三百萬斤

上嘉其盡心國事不分畛域六年奏以明儒呂坤從祀

文廟七年母憂歸服闋巡撫湖南調江蘇十二年總督閩浙是年福州將軍瑚松額督剿臺灣逆匪張丙陳辦等

命祖洛經理後路糧餉軍火尋兼署將軍十三年事平安籌善後得旨嘉獎賞戴花翎十四年倡捐修建閩省義倉十六年父憂歸因病乞休二十八年卒家

賜祭葬

贈太子太保銜謚簡敬

史館鈔傳

程績字希臣婺源舉人福建甌甯知縣捕教匪六十餘人分別置法調侯官加意學校改龍溪勸化鄉民械鬪風息去官日民刻石以誌遺愛

婺源縣志

鮑珊字滄碧一字鐵帆歙縣人父倚雲見文苑傳珊嘉慶丁卯舉人

咸安宮教習期滿用知縣己巳成進士選陝西大荔知縣勤於聽斷每折獄常至夜分民同械鬪珊必親往諭止或聞珊出即自

解散賀家窪民爲道士裝覓食山西或以叛逆告山西巡撫奏奉

諭旨查辦珊廉得其誣事解調任渭南輕徭平徵勤政愛民慈祥坦易

此數句見渭南縣志

擢乾州知州節省供億兵差局費民力以紓擢興安

府知府時值水災率屬辦賑平糶撫流亡弭盜賊凡十五閱月

髭髮頓白道光十四年春卒官

路德撰墓志銘

程恩澤字春海歙縣人嘉慶辛未進士授編修道光元年

命在南書房行走

召諭曰汝父蘭翹先生品學朕昔年最敬汝之聲名朕亦皆知宜更守

素行旋奉

敕校刻

養正書屋集充四川正主考補中允校刻

御製文初集三年提督貴州學政歷補翰林院侍講學士六年調湖南

學政八年回京

詔充春秋左傳纂修官補祭酒母憂歸十二年以候補祭酒

特旨充廣東正主考十二月

命在上書房行走課惠親王學

上與王論恩澤爲人有和而不同之目十三年超擢內閣學士兼禮部

侍郎十四年授工部右侍郎十五年調戶部右侍郎十七年充

經筵講官夏病暑七月卒遺疏入

諭曰程恩澤由翰林洊升卿貳前在南書房上書房行走有年人甚謹

飭辦理部務克盡厥職茲聞溘逝殊堪軫惜伊子程德威著加恩賞

給舉人服闋後准其一體會試事具

國史列傳恩澤學識超於時俗六藝九流皆好學深思心知其意

任貴州學政時與布政使吳榮光勸士民育粟蠶其利大行著

有國策地名考平定張穆輯其詩文爲程侍郎遺集

阮元撰
墓志銘

孫士梧字鳳棲黟縣附貢刑部郎中嘉慶十九年授慶遠府知

府民獠雜處俗尙剽悍士梧設義塾明教化俗爲之變緝盜魁

辛姓三人置之法緩徵賑饑多所全活五載卒官民道哭祠祀

之

黟縣志

程式金字友石黟縣人大興籍嘉慶庚辰進士道光初歷署四

川鹽亭遂甯知縣補高縣知縣培植人才清釐積案整頓地方

民情愛戴總督蔣攸銑薦治行第一調華陽署宜賓成都所在

有實政如治灌縣河堰興遂甯華陽成都書院鄉學尤爲蜀人

所稱有製此之謂民之父母七字扁以獻又有以水一盂鏡一

面獻者況其明且清也五年成都旱饑民洶洶式金亟請平糶

事遂定提督桂涵語人曰程令在蜀可當一萬兵也總督陳若霖戴三錫先後以廉潔勤能薦六年升敘永廳同知引

見召對稱

旨記名父憂歸九年授蘭州府遺缺知府式金先三歲卒矣同治五年以子鴻詔軍功奉

旨賞給三品封典

贈中議大夫著有說文類求五卷

馮志沂徵尚齋文集
撰墓志銘 黔縣志

余毓祥字夢巖黔縣人嘉慶丁丑進士刑部主事遷員外郎主稿最慎決獄若治經櫛疑疏證衷於一是遷禮部郎中截取知府以疾歸咸豐三年在籍董團練局築堡扼西武嶺積勞卒子浙江同知兆元字辛伯率義勇隨官軍剿賊復黔祁門建德等

城旋卒

黔縣志

汪日宣本名淦字麗泉黔縣人嘉慶己卯進士授檢討道光十五年授四川重慶府知府葺學宮復育嬰堂教植桑麻整頓十四場社倉建江北廳城黔匪穆賢繼之亂日宣率勇守綦江七旬事平民遂無恐道光十九年夏旱日宣以祈雨暴卒是夕大雨歲有秋民泣思之祀名宦祠

黔縣志

陳士瀛字步洲祁門舉人揀發廣西署羅城知縣儉讓廉明希蹤陸清獻補靈川日羅城士民嚮留不得攀轅泣下

祁門縣志兼采夏祈

撰傳

胡元熙字遂農黔縣舉人由兵部郎中歷官杭州府知府平反疑獄二百餘起其尤著者餘姚令刊佛書附孫敬德臨刑刀折事縣人以左道控元熙按新唐書藝文志有冥祥記孫敬德事在記中淵鑑類函采之以是獄解東陽人俞雙福娶夫喪而醮

之吳氏又斃吳前夫之女爲俞子婦者臬使以前後夫子女爲
婚應離異元熙謂居夫喪而嫁律應離異是吳氏本不得爲後
妻則其女不得爲前夫女卒以斃子婦定讞時稱有漢儒經義
治獄風方以卓異薦遽引疾歸在籍多義行建書院移常平倉
造試院彰善祠修府縣學宮重建府河西橋皆出鉅資首其事
又請禁棚民開墾燒掘三次倡捐平糶他善舉不勝書咸豐三
年遄

旨團練捐輸積勞病卒子積塏字又臬歷署海甯高苑補掖縣知縣兼

署平度州所至寬猛交濟吏畏民懷高苑向產硝愚民冒禁逐
利喻以利害皆感悟罷業自平度回任卒官掖民爲位以哭祀

萊州府遺愛祠

彭縣志

鄭繩祖字翼堂祁門人嘉慶己卯進士河南正陽知縣修學宮

課士子行荒政捕劇盜威惠稱最

祁門志

董桂森字淮江婺源舉人道光元年選蕪湖訓導雪廩生陶愷等十三人冤檄勘水災傾囊以濟貧乏

婺源志

余舜臣字卿五黟縣舉人任山東費縣知縣省徭役弭盜賊倡捐重建書院置膏火邑西泗水漲築千陽隄南有豹子崗爲捻匪出沒所築堡募勇防剿東門外祔河夏潦尤險捐資雇舟濟人居官五載乞休貧不能歸祖送者相泣而別

黟縣志

姚森字樹芳黟縣舉人官江蘇通州州同捕務勤能道光辛丑水災饑民謀劫米肆森彈壓開導禁米商居奇得無事以疾歸居鄉多義行

黟縣志

朱夢蓮字香江休甯廩貢選授東流教諭道光癸未水災辦賑捐廉全活甚眾

休甯志

許球字玉叔歙縣人道光癸未進士由部員軍機章京擢御史
於民生吏治大有關繫者乃言之調京畿道申理冤抑嚴禁刁
告朝野服其忠直出爲兗沂曹濟道父憂歸卒

歙縣志

吳憲文字述菴婺源人道光癸未進士任江西奉新知縣修城
垣拓書院勤於聽斷案無留牘民間有吳長生之稱

婺源縣志

徐上鏞字蓮舫歙縣人道光丙戌進士官兵部主事裁革陋規
遷員外郎授湖北黃州府知府連年水災捐廉撫卹崇陽鍾人
杰之亂率兵勇防江地方安靖在任五年卒官士民於河東書

院祀焉

歙縣志

江之紀字石生婺源人道光丙戌進士官金匱知縣結積案八
百餘起振興文教捐賑療災全活無算母憂去官旋卒著有白

圭堂詩集太極圖說解

婺源縣志

俞誦芬字茗溪婺源人道光丙戌進士由庶吉士改主事洊升
郎中出知興化府平反冤獄有神明稱咸豐三年粵逆犯興化
誦芬率民丁守城七晝夜殺賊數百圍解以勞卒官

婺源縣志

朱燮字柳溪浙江商籍舉人改歸休甯原籍由教習署龍門知
縣先是粵賊踞縣城燮帶勇抵境賊宵遁追剿之入藍漢賊巢
擒斬多名在任三年廉介寬和治獄多所全活署南海辦理洋
務悉合機宜升同知署南雄州籌餉練兵積勞疾卒同治五年

贈道銜蔭子入監

休甯縣志

程鸞臺字紫垣婺源舉人補陝西中部知縣造學宮建書院立
義學義倉孜孜以教養爲務

婺源縣志

胡文柏字心原績溪人道光己丑進士由主事累升郎中出知
曲靖府懲黠訟清積案修水利課書院攝巡東道置械鬪者數

十人於法調雲南府知府盤奸剔弊平反數百事咸豐三年會
澤縣回匪馬二花滋事募勇扼要賊不敢近先是部檄有出糶
各省倉存放所在兵餉之議文柏以爲必不可行事遂寢補迪
南道卒官

績溪縣志

王茂蔭字子懷歙縣人道光壬辰進士由部曹擢御史咸豐元
年上振興人才疏二年粵匪山長沙東趨疏請扼防宿松黃梅
彭澤又請急收人心籌儲積講訓練求人才先後薦舉賢員多
人懇停捐納舉人及論銀票銀號大錢利弊又言天時人事語
皆迫切由太常卿歷戶部兵部侍郎咸豐十年派辦五城國防
上守備四策因病開缺

穆宗毅皇帝以茂蔭志慮忠純直言敢諫

命俟病痊聽候簡用同治元年條陳天象宜警等五事起署左副都御

重修安徽通志

卷百八十七

人物志

宦績

七

徽州府

史奉

命查辦山西事件補工部右侍郎調吏部母憂歸四年卒家奉有廉靜

寡營遇事敢言忠愛出於至性之

諭賜祭葬卹典如例

史館鈔傳

胡正仁字讓堂歙縣人道光癸巳進士由編修授饒州府知府

頻年水患撫卹勤勞倡修芝陽書院培植士林以疾歸卒

歙縣志

吳存義字和甫休甯人泰興籍道光戊戌進士授編修歷官吏部左侍郎持己清廉敝衣蔬食自浙江學政任所引疾告歸歿

無餘財其子遵遺命賻贈一無所受

休甯縣志

葛良治字仲文績溪人道光辛丑進士內閣中書貴州知州任黔西時遵義賊楊滄洗犯境百計抵禦城賴以全歷署思州知州銅仁府知府潔己愛民備禦苗匪所在皆獲安堵擢知府病

歸道卒囊無遺財惟書數篋而已

續漢縣志

王鳳生字竹嶼婺源人官嘉興通判以能讞獄理漕河知名升玉環同知清積案興水利擢歸德府知府濬虞城夏邑永城諸河遷彰衛懷道轉兩淮鹽運使條陳淮鹽積弊十八策均蒙

俞允調湖北總辦水利所至治績俱有著錄

婺源縣志

王朝佐字輔臣黟縣人少從同邑王以寬受經學道光中官瑞安縣丞獲劇盜蔡士豐解散其黨歲歉設米粥局賑飢民攝武義縣事平反冤獄咸豐五年檄察嚴州防務道卒先是朝佐假歸以寬問在浙何所爲對曰不多事不愛錢而已同縣胡文照亦以瑞安丞攝桐廬縣事值水患倡捐賑飢全活甚眾

黟縣志

吳端甫字冠卿歙縣舉人由中書浙江候補道署台州府知府台匪林大廣等撲城防堵六晝夜臨海陳鵬應賊誘斬之追擒

大廣等散其脅從台民祀之

歙縣志

余尙紱字蕙生休甯舉人江蘇碭山教諭碭山距省遠文風爲

嚴尙紱博雅能文指授諸生讀書作文之法士風遂振

休甯縣志

洪國柱歙縣人咸豐元年任泰州鹽分司革陋規七千餘金兼

理淮南監掣同知募勇巡防獲土匪柯正崗正法時運道阻隔

鹽引不銷窮竈生路幾絕國柱建就場抽稅之議於公私尤多

裨益

歙縣志

王家珮字黼輝婺源人江蘇同知署太倉州出疑獄死罪六人

懲健訟息爭競人皆感化旋以辦災嬰疾歸在籍總辦軍餉團

防升知府卒

婺源縣志

程廷鏡字蓉屏績溪人官河南四十年兩辦祥符中牟大工道

光丁未河南旱檄辦彰德八縣災賑以廷鏡前任湯陰有德政

故也至鄴巡行賑貸杜絕中飽實惠及民擢署許州以憂歸咸豐三年粵匪陷歸德廷鏡馳赴河南卽委署歸德知府剿捕擒匪撫卹難民補汝州知州擒捻首王三張貴發等擢知府卒官汝州士民祀之於聖學書院

續漢縣志

章道基字惺齋績溪附貢浙江鹽經歷歷署曹娥等場大使詳復漂鐵等處十四竈裁減建平積費三千有奇勘升沙地四千

三百八十畝卒官

續漢縣志

胡廷瑞字蘊山黟縣人任陝西西鄉知縣築木馬河隄治東沙渠水患以息

黟縣志

孫炳煒字小軒黟縣人任江甯府北捕通判能決獄捕盜署高淳知縣捐賑民德之引年去官僑居江甯咸豐三年金陵陷炳煒時年七十一罵賊不屈死之

黟縣志

洪炯字子明祁門廩貢江蘇鎮洋訓導課士有方道光十六年

修寶山海塘出力選用州學正十九年告歸倡建考棚釐定書

院章程並首輸千金祁門縣志
東山書院誌

胡肇智字季臨績溪拔貢小京官咸豐四年補吏部主事洊升

郎中充

宣廟實錄館詳校官十一年授福建汀州府知府同治四年升汀漳龍

道

命僧臬司張銓慶經理軍需局升陝西按察使五年授順天府府尹六

年轉宗人府丞奏城外添設粥廠籌辦荒務旋升吏部右侍郎

充管庫大臣七年奏彙訪皖省殉難紳民婦女懇請

旌卹八年調吏部左侍郎十一月奉

旨加恩在紫禁城內騎馬十年卒官奉有勤慎精密辦事實心之

諭賜卹如例

史館
鈔傳

楊言字子顧休甯舉人同治二年由內閣中書選貴州黔西知州三年委署正安時正安寇氛正熾練首猜忌攻殺積弊已久言抵任開誠布公理其曲直稍稍感格四年正月賊忽倡城知練不可恃親赴軍門請援兵至而城已陷坐是革職嗣以攻克州城開復原官七年丁內艱回籍言幼慧工書能文咸以翰苑目之父孝廉方正陳復品學純粹生平宗法陸稼書言承家學性剛愎而能確守禮法到黔後曾被劣紳以侵蝕錢糧寄藏門丁誣控大府委員提訊門丁搜其私篋得言所付親筆家書內附自輓聯額有二老白頭悲梓里九泉碧血效椒山之句共相歎服誣亦得白

采訪
續冊